

# 類經圖翼


經絡


			一	漢
		四	九	書
	一	八	〇	門
二	〇	〇	〇	類
冊	架	函	號	

自六至  
七

內閣文庫			
三	〇	一	漢
函	二	四	書
三	〇	〇	類
架	冊	號	

內閣文庫	
番號	漢 1490
冊數	20 ( 17 )
函號	301 25





類經圖翼六卷

張介賓類正

經絡四

手太陰肺經穴

肺經穴歌

手太陰經十一穴。中府雲門天府列。俠白尺澤

孔最存。列缺經渠太淵涉。魚際直出大指端。內

側少商如韭葉。

中府

一名膺中俞

在雲門下一寸。去任脉中行六寸。

乳上三肋間。陷中動脈應手。仰而取之。○肺之

募也。

募。結募也。為經氣之所聚。他放此。

○手足太陰之會。○刺

三分。留五呼。灸三壯五壯。

埤雅云。壯者。言以壯人為法也。

主治肺急。胃滿。喘逆。善噎。食不下。肺膽寒熱。欬

嘔膿血。肺風面腫。汗出肩息。背痛。涕濁。喉痺。

少氣不得臥。飛尸遁注。癭瘤。○此穴主寫胃

中之熱。其治多與大杼。缺盆。風府同。

千金云。身體煩熱。刺中府。○又云上氣欬逆。短

氣。氣滿。食不下。灸五十壯。

百證賦云。同意舍。能治胃滿。噎噎。

雲門

在巨骨下。夾氣戶旁二寸。去中行六寸。陷

中動脈應手。舉臂取之。○刺三分。灸五壯。甲乙

經云。刺太深。令人逆息。千金云。灸五十壯。

主治傷寒。四支熱不已。欬逆。短氣。上衝心。胃。脇

肋煩滿。徹痛。喉痺。癭氣。臂不得舉。○此穴主

寫四支之熱。其治與肩髃。委中。腰俞大同。

千金云。病癭。上氣。胃滿。灸百壯。

天府

在臂臑內廉。腋下三寸。動脈陷中。以鼻取

之。○刺四分。留三呼。禁灸。灸之令人氣逆。

主治暴痺內逆。肝邪相搏。卒中惡風邪氣。血溢口鼻。飛尸鬼注。惡語悲泣。善忘喘息。不得安臥。痰瘧寒熱。目痰癭氣。

千金翼云。身重嗜臥不自覺。灸五十壯。刺三分補之。○又病癭惡氣。灸五十壯。

百證賦云。兼合谷。可追鼻中衄血。

俠白 在天府下。去肘上五寸動脈中。○手太陰之別。○刺四分。留三呼。灸五壯。

主治心痛氣短。乾嘔煩滿。

尺澤 在肘中約文上。屈肘橫文。筋骨罅中動脈。

○手太陰所入爲合。肺實寫之。○刺三分。留三呼。灸三壯。五壯。○甄權云。臂屈伸橫文間筋骨罅中不宜灸。

主治嘔吐上氣。喉痺鼓頷。心煩身痛。不得汗。舌乾。欬唾膿血。心痛氣短。肺積息賁。痰瘧汗出。中風肩背痛。洒淅寒熱。風痺肘寧。四支腫痛。不得舉。脇痛腹脹。小便數溺。色變遺失無度。

面白善嚏。悲愁不樂。及小兒慢驚風。可灸一壯。

千金翼云。邪病四支重痛。諸雜候。尺澤主之。一名鬼堂。○又治嘔吐上氣。灸三壯七壯。○又治氣短不語。灸百壯。

玉龍賦云。理筋急。○又云兼曲池。療肘臂孿痛。靈光賦云。吐血定喘。須補此穴。

席弘賦云。治五般肘痛。又須鍼清冷淵。以收功。孔最。在腕上七寸陷中。○手太陰之郄。○刺三分。留三呼。灸五壯。

一主治熱病汗不出。灸三壯。卽汗出。及欬逆肘臂痛。屈伸難。吐血失音。頭疼咽痛。

列缺。在腕後側上一寸五分。滑氏曰。以手交叉。當食指末筋骨罅中是穴。○此手太陰之絡。從腕後別走陽明。直出食指內廉。出其端。凡人有反關脈者。寸關尺三部正脈不見。而見於列缺陽谿。此經脈虛而絡脈滿。千金翼謂陽脈逆。反大於寸口三倍者是也。○刺二分。留三呼。灸三

壯慎酒麪生冷等物。

主治偏風口眼喎斜。手肘痛無力。半身不隨。口

噤不開。痲瘡寒熱。煩躁欬嗽。喉痺嘔沫。縱脣。

健忘驚癇善笑。妄言妄見。面目四肢痲腫。小

便熱痛。實則肩背暴腫汗出。虛則肩背寒慄。

少氣不足以息。四肢厥逆。瘕瘕尸厥。若患偏

風灸至百壯。若患腕勞灸七七壯甚妙。

千金云男子陰中疼痛。尿血精出。灸五十壯。

玉龍賦云兼太淵治欬嗽風痰。

攔江賦云頭部痛須尋之。痰涎壅塞咽乾宜此。

席弘賦云氣刺兩乳求太淵。未應須寫此穴。偏

正頭疼求此。又須重寫太淵無不應。

通玄賦云堪治欬嗽寒痰。

四總穴云頭項須尋列缺。

千金十一穴云。後谿并列缺。治胃項有痛。

馬丹陽天星十二穴云。此穴善療偏頭患。偏身

風痺麻痰涎頰上壅。口噤不開牙。若能明補

寫。應手疾如拿。

經渠 在寸口陷中。○手太陰所行爲經。○刺三分。留三呼。禁灸。灸則傷人神明。

主治痰癰寒熱。胃背拘急。膨脹。喉痺欬逆。上氣數欠。傷寒熱病汗不出。心痛嘔吐。

百證賦云。兼大都。治熱病汗不出。

太淵 在手掌後陷中。○手太陰所注爲腧。卽原也。○脉會太淵。每日平旦寅時。脉從此始。故一難曰。寸口者。脉之大會。○刺二分。留三呼。灸三壯。

主治胃痺。氣逆。欬嘔。噦。飲水肺脹。喘息不休。

噫氣。欬血。心痛。咽乾。煩躁。狂言。不得臥。目痛。生翳。赤筋。口噤。缺盆痛。肩背痛。引臂膊。溺色變遺失無度。

神農經曰。治牙疼。手腕無力疼痛。可灸七壯。

玉龍賦云。兼列缺。治欬嗽風痰。

席弘賦云。治氣刺兩乳。求太淵。未應之時。鍼列缺。○又云。偏正頭疼。尋列缺。重寫太淵。無不應。○又云。五般肘痛。尋尺澤。太淵鍼後。却收。



功。

魚際 在手大指本節後內側陷中。又云散脉中白肉際。○手太陰所溜爲榮。○刺二分。留三呼。灸三壯。

主治酒病。身熱惡風寒。虛熱。舌上黃。頭痛欬噦。傷寒汗不出。痺走胃背痛不得息。目眩煩心。少氣寒慄。喉咽乾燥。嘔血唾血。心痺悲恐。腹痛食不下。乳癰。肢滿肘攣。溺出。及瘡方欲寒。刺手足太陰陽明出血。

席弘賦云此穴兼承山崑崙。治轉筋目眩。

百證賦云兼液門能治喉痛。

一傳此穴兼經渠通里。可治汗不出者。便得淋漓。更兼三間三里。便得汗至遍身。

二傳齒痛不能食飲。左患灸左。右患灸右。男三女四。

少商 在手大指內側端。去爪甲角如韭葉。白肉際宛宛中。○手太陰所出爲井。○刺一分。留三呼。五吸。宜用三稜鍼刺。微出血。洩諸藏之熱。不

宜灸甲乙經云灸一壯。一云三壯。忌生冷。

主治項腫喉痺。煩心嘔噦。心下滿。汗出欬逆。痰瘡振寒。腹脹腸滿。雀目不明。唇乾唾沫引飲。食不下。寒慄鼓頷。手攣指痛。小兒乳蛾。○唐刺史成君綽忽項腫如升。喉閉水粒不下。甄權以三稜鍼刺之。微出血立愈。

乾坤生意云。此爲十井穴。凡初中風卒暴昏沉。痰涎壅盛。不省人事。牙關緊閉。藥水不下。急以三稜鍼刺此穴。及少衝中衝關衝少澤商陽。使血氣流行。乃起死回生急救之妙穴。

太乙歌云。男子痲痺取少商。

百證賦云。兼曲澤治血虛口乾。

天星秘訣云。專治指痛攣急。

手陽明大腸經穴

大腸經穴歌

一 手陽明穴起商陽。二間三間合谷藏。陽谿偏歷  
 一 歷溫溜。下廉上廉三里長。曲池肘髁迎五里。臂  
 一 臑肩髃巨骨起。天鼎扶突接禾膠。終以迎香二  
 一 十止。

商陽

一名絕陽

在手食指內側。去爪甲角如韭葉。○

一 手陽明所出為井。○刺一分。留一呼。灸三壯。

主治胃中氣滿喘欬。熱病汗不出。耳鳴耳聾。寒

熱痰瘧。口乾頤腫。齒痛目盲。惡寒。肩背肢臂  
腫痛相引。缺盆中痛。灸三壯。左取右。右取左。  
如食頃立已。

百證賦云兼太谿。治寒瘧有驗。

乾坤生意云。此爲十井穴。凡初中風跌倒。卒暴  
昏沉。痰盛不省人事。牙關緊閉。藥水不下。急  
以三稜鍼刺此穴。及少商中衝少衝。使血氣  
流通。乃急救回生之妙穴。

二間

一名  
開谷

在食指本節前內側陷中。○手陽明

所溜爲榮。○刺三分。留六呼。灸三壯。

主治頷腫喉痺。肩背臑痛。欬衄齒痛。目黃口乾。  
口眼歪斜。飲食不通。振寒傷寒水結。

玉龍賦云治牙疼妙

一 席弘賦云兼陽谿。治牙疼腰痛咽痺。

百證賦云兼陰郄。能疏通寒慄惡寒。

通玄賦云治目昏不見。

天星秘訣云兼三里。治牙疼頭痛喉痺。

三間

一名  
少谷

在食指本節後內側陷中。○手陽明

所注為膺。○刺三分。留三呼。灸二壯。

主治歎衄熱病。喉痺咽中如梗。下齒齲痛。嗜臥。

胃腹滿。腸鳴洞泄。寒熱瘧。唇焦口乾。氣喘目

背痛。善驚。寒熱結水多唾。

席弘賦云兼腎俞。善除背痛風勞。

百證賦云兼攢竹。治目中之漠漠。

捷徑云治身熱氣喘。口乾目急。

合谷

一名虎口

在手大指次指岐骨間陷中。○手陽

明所過為原。○刺三分。留六呼。灸三壯。

主治傷寒大渴。脉浮在表。發熱惡寒。頭痛脊強。

風疹。寒熱瘧瘧。熱病汗不出。偏正頭痛。面腫

目翳。唇吻不收。瘖不能言。口噤不開。腰脊引

痛痿躄。小兒乳蛾。○一云能下死胎。婦人妊

娠補合谷即墮胎。千金云產後脉絕不還。刺

合谷入三分急補之。

神農經云。治鼻衄目痛不明。牙疼喉痺疥瘡。可

灸三壯至七壯。

攔江賦云。傷寒無汗。寫合谷補復溜。若汗多不

止便補合谷。寫復溜。神效。

席弘賦云兼太衝。治手連肩脊痛難忍。○又兼

曲池。治兩手不如意。○又云睛明治眼若未

效。合谷光明不可缺。○又云冷嗽先宜補合

谷。又須鍼寫三陰交。

百證賦云兼天府。治鼻衄。

天星秘訣云兼三陰交。治脾病血氣。○又云兼

內庭。治寒瘧面腫及腸鳴。

四總穴云面口合谷收。

千金十一穴云。曲池兼合谷。可徹頭疼。

馬丹陽天星十二穴云。療頭疼并面腫瘧病熱

還寒。體熱身汗出。目暗視茫然。齒齲鼻衄血。

口噤不開言。鍼入五分深。能令病自安。

陽谿一名中魁。在手腕中上側。兩筋間陷中。○手陽

明所行為經。○刺三分。留七呼。灸三壯。

主治狂言喜笑見鬼熱病煩心。掌中熱汗不出。

目赤爛翳。厥逆頭痛。胃滿不得息。寒熱痰瘧

嘔沫。喉痺耳鳴齒痛。驚掣肘臂不舉。痲疥。

席弘賦云兼二間治牙疼腰痛喉痺。

百證賦云兼解谿治驚悸怔忡。○又云兼肩髃能消癰風之熱極。

偏歷 在手腕後三寸。○手陽明絡。別走太陰。○刺三分。留七呼。灸三壯。

主治痰瘧寒熱癩疾多言。目視眈眈。耳鳴喉痺。口喎咽乾。鼻衄齒痛汗不出。

標幽賦云刺偏歷利小便。治大人水蠱。

溫溜 一名逆注。一名蛇頭。在手腕後小士五寸。大士六寸。

大士小士。謂大人小兒也。明堂云腕後五寸六寸間。○手陽

一明却。○刺三分。灸三壯。

主治傷寒噦逆。噫隔氣閉。寒熱頭痛。喜笑狂言。見鬼吐沫。口舌腫痛。喉痺面虛腫。腸鳴腹痛。四支腫疼。肩不得舉。

百證賦云兼期門治傷寒項強。

下廉 在曲池下四寸。輔骨下。去上廉一寸。輔骨肉其分外斜。○刺五分。留五呼。灸三壯。

主治勞瘵狂言。頭風痺痛。飧泄。小腹滿。小便血。

小腸氣。面無顏色。痲痺腹痛不可忍。食不化。氣喘涎出。乳癰。○此穴主寫胃中之熱。與氣衝三里巨虛上廉治同。

上廉 在三里下一寸。曲池下三寸。其分獨抵陽明之會外斜。○刺五分。灸五壯。

主治腦風頭痛。胃痛喘息。半身不遂。腸鳴小便瀦。大腸氣滯。手足不仁。○此穴主寫胃中之熱。與氣衝三里巨虛下廉治同。

三里

一名手三里

在曲池下二寸。兌肉之端。按之肉

起。○刺三分。灸三壯。

主治中風口瘅。手足不隨。五勞虛乏。羸瘦。霍亂遺失。失音。齒痛。頰腫。瘰癧。手痺不仁。

席弘賦云。此穴治腰背痛。連臍不休。下鍼麻重。瀕寫。得氣不用留。○又云。手足上下鍼三里。食痺氣塊。憑此取。

百證賦云。兼少海。治手臂麻頑。通玄賦云。專治肩背痛。

曲池 在肘外輔骨。屈肘曲骨之中。以手拱胷取



之。○手陽明所入爲合。○刺七分。留七呼。灸三壯。一云百壯。

主治傷寒振寒。餘熱不盡。胃中煩滿。熱渴。目眩耳痛。瘰癧。喉痺不能言。瘰癧癩疾。繞踝風。手臂紅腫。肘中痛。偏風半身不遂。風邪泣出。臂膊痛。筋緩無力。屈伸不便。皮膚乾燥。痂疥。婦人經脈不通。

神農經云。治手肘臂膊疼細無力。半身不遂。發熱。胃中煩滿。可灸十四壯。

玉龍賦云。兼人中。可治痿仆。兼尺澤。治肘痛。

標幽賦云。兼肩井。甄權刺臂痛而復射。

百證賦云。遠達陽陵。治半身不遂。○又云。兼少

衝。治發熱驗。

席弘賦云。兼合谷。治兩手不如意。

千金云。治瘦惡氣。諸癰疹。灸隨年壯。○又十三

鬼穴。此名鬼臣。若遇百邪癩狂。當於第十二

次下火鍼。

千金十一穴云。此與合谷可徹頭疼。

秦承祖明堂云。主大人小兒遍身風疹癩疥。馬丹陽天星十二穴云。善治肘中痛。偏風手不收。挽弓開不得。臂癢莫梳頭。喉痺促欲死。發熱更無休。遍身風癩癩。鍼着即時瘳。

肘髎 在肘大骨外廉陷中。與天井相並。相去一寸四分。○刺三分。灸三壯。

主治肘節風痺。臂痛不舉。麻木不仁。嗜臥。

五里 在肘上三寸。行向裏大脉中央。一云在天府下五寸。○禁刺。灸三壯。一曰十壯。○玉版篇

曰。迎之五里。中道而止。五至而已。五往而藏之。

氣盡矣。小鍼解曰。奪陰者死。言取尺之五里。五往者也。皆謂此穴。

主治風勞驚恐。吐血欬嗽嗜臥。肘臂疼痛難動。脹滿氣逆。寒熱瘰癧。目視眈眈。痰瘧。

百證賦云。兼臂臑。能愈瘰癧。

臂臑 在肘上七寸。胭肉端。肩髃下一寸。兩筋兩骨罅宛宛陷中。平手取之。○手陽明絡也。絡手少陽之臑會。一曰手足太陽陽維之會。○刺三

分。灸三壯。明堂禁刺。灸七壯。一日灸至百壯。

主治臂痛無力。寒熱瘰癧。頸項拘急。

千金云。治瘰氣。灸隨年壯。

百證賦云。兼五里。能愈瘰癧。

肩髃

一名中肩井  
一名偏肩

在膊骨頭肩端上。兩骨罅陷

中。舉臂取之。有空。○手太陽陽明陽蹻之會。一

日足少陽陽蹻之會。○刺六分。留六呼。灸三壯。

至七七壯。以瘥為度。

主治中風偏風。半身不遂。肩臂筋骨痠痛。不能

上頭。傷寒作熱不已。勞氣泄精。憔悴。四支熱。

諸瘰氣。瘰癧。昔有病風痺。臂痛無力。不能挽

弓。甄權於此進鍼。即可射。○此穴若灸偏風

不遂。自七壯至七七壯止。不可過多。恐致臂

細。若風病筋骨無力。久不瘥。當多灸。不畏細

也。然灸不如刺。忌酒肉五辛漿水。○此穴主

寫四支之熱。與雲門委中腰俞治同。

千金云。灸瘰氣。左右相當。男左十八。右十七壯。

女右十八。左十七壯。再三以差止。

玉龍賦云可療風濕搏於兩肩。

天星秘訣云手臂攣痛取肩髃。

百證賦云兼陽谿能消癰風之熱極。

巨骨 在肩尖上行。兩叉骨間陷中。○手陽明陽

躄之會。○刺一寸五分。灸三壯。五壯。一曰禁刺。

主治驚癇吐血。胃中有瘀血。臂痛不得屈伸。

天鼎 在頸中缺盆上。直扶突後一寸。甲乙經曰

直扶突氣舍後一寸五分。氣府論註曰在扶突

後半寸。○刺三分。灸三壯。

主治喉痺。噎腫不得食。暴瘖氣哽。

百證賦云兼間使治失音。

扶突

一名水穴

在頸。當曲頰下一寸。甲乙經曰。在人

迎後一寸五分。仰而取之。一云氣舍後一寸五

分。○由此上貫頰入下齒中。○刺四分。灸三壯。

甲乙經曰刺三分。

主治欬嗽多唾。上氣喘息。喉中如水雞。暴瘖氣

破項癭。

禾膠

一名長頻

一直鼻孔下。夾水溝旁五分。○刺三分。

灸三壯。

主治尸厥口不可開。鼻瘡息肉。鼻塞鼻衄。

靈光賦云刺兩鼻翕衄。

迎香一名衝陽

在禾髎上一寸。鼻孔旁五分。○手足

陽明之會。○刺三分禁灸。

主治鼻塞不聞香臭。瘰肉多涕。有瘡鼻衄。喘息

不利。偏風喎斜。浮腫風動。面癢狀如蟲行。

玉龍賦云能消眼熱之紅。○又攻鼻室為最。

席弘賦云耳聾氣痞鍼聽會。更寫此穴。

足陽明胃經穴

胃經穴歌

一四十五穴足陽明。承泣四白巨髎經。地倉大迎  
 一登頰車。下關頭維對人迎。水突氣舍連缺盆。氣  
 一戶庫房屋翳屯。膺窻乳中下乳根。不容承滿出  
 一梁門關門太乙滑肉起。天樞外陵大巨裏。水道  
 一歸來達氣衝。髀關伏兔走陰市。梁丘犢鼻足三  
 一里。上巨虛連條口底。下巨虛下有豐隆。解谿衝  
 一陽陷谷同。內庭厲兌陽明穴。大指次指之端終。

承泣

一名面膠  
一名懸穴

在目下七分。上直瞳子陷中。○

陽蹻任脉足陽明三脉之會。○刺三分。禁灸。一

曰禁不宜鍼。

主治冷淚出瞳子癢。遠視眩暈。昏夜無見。口眼

喎斜。

四白。在目下一寸。直瞳子。向頰骨額空。正視取

之。○刺三分。禁灸。○甲乙經曰。灸七壯。一日下

鍼宜慎。若深即令人目烏色。

主治頭痛目眩。目赤生翳。瞤動流淚。眼弦癢。口

眼喎僻不能言。

巨膠

夾鼻孔旁八分。直瞳子。○陽蹻足陽明之

會。○由此入上齒中。復出循地倉。○刺三分。灸

七壯。

主治瘰癧。脣頰腫痛。口喎目瞤。青盲無見。遠視

眩暈。面風鼻頰腫。脚氣膝脛腫痛。

百證賦云。兼腎俞。治胃膈停留瘀血。

地倉

一名  
會維

夾口吻旁四分。外如近。不微有動脉。

若久患風。其脉亦有不動者。○手足陽明任脉

陽蹻之會。○刺三分。留五呼。灸七壯。或三七壯。  
重者七七壯。病左治右。病右治左。艾炷宜小如  
麤釵脚。若過大口反喎。却灸承漿即愈。

主治偏風口眼歪斜。牙關不開。齒痛頰腫。目不  
得閉。失音不語。飲食不收。水漿漏落。眼瞶動。  
遠視眩暈。昏夜無見。

靈光賦云。地倉能止口流涎。

玉龍賦云。兼頰車療口喎。

大迎

一名  
髓孔

在曲頰

頰。腮  
下也。

前一寸三分。骨陷中動

脉。○本經自大迎循頰車。上耳前下關頭維。其  
支者從大迎前下人迎。○寒熱病篇曰。臂陽明  
有人鳩偏齒者。名曰大迎。則此爲手足陽明之  
會。○刺三分。留七呼。灸三壯。

主治風痙口瘡。口噤不開。唇吻瞶動。頰腫牙痛。  
舌強不能言。目痛不得閉。口喎數欠。風壅面  
腫。寒熱瘰癧。

百證賦云。兼顴膠治目眩。

頰車

一名機關  
一名曲牙

在耳下曲頰端。近前陷中。側臥

開口取之。○刺三分。灸三壯。一日灸七壯。至七  
七壯。炷如小麥。

主治中風牙關不開。失音不語。口眼歪斜。頰腫  
牙痛。不可嚼物。頸強不得回顧。凡口眼喎斜  
主者。喎則左寫。右補。斜則左補。右寫。

靈光賦云。鍼齒痛。

玉龍賦云。兼地倉療口喎。

下關 在客主人下。耳前動脈下廉。合口有空。開  
口則閉。側臥開口取之。○足陽明少陽之會。

刺三分。留七呼。灸三壯。○本輸篇曰。刺之則欠  
不能呿者。此也。耳中有乾槌。禁不可灸。一日不

可久留鍼。槌一作  
槌音槌

主治偏風。口眼喎斜。耳鳴耳聾。痛癢出膿。失欠

牙關脫臼。

頭維 在額角入髮際。夾本神旁一寸五分。神庭  
旁四寸五分。○足少陽陽明之會。○刺三分。沒  
皮向下。禁灸。

主治頭風疼痛如破。目痛如脫。淚出不明。



玉龍賦云兼攢竹能治目疼頭痛。

百證賦云兼臨泣可治淚出。

人迎一名天五會

在頸下夾結喉旁一寸五分大動

脉應手俾而取之。○足陽明少陽之會。○甲乙

經曰。夾結喉以候五藏氣。○禁灸氣府論註曰。

刺可入四分。過深殺人。

主治吐逆霍亂胃滿喘呼不得息。項氣悶腫。食

不下。鍼入四分。

天星秘訣云。耳鳴腰痛先此。後耳門及三里。

水突一名水門

在頸大筋前直人迎下。夾氣舍上。內

貼氣喉。○刺三分。灸三壯。

主治欬逆上氣。咽喉癰腫。短氣喘息不得臥。

氣舍 在頸大筋前直人迎下。夾天突邊陷中。貼

骨尖上有缺。○刺三分。灸五壯。

主治欬逆上氣。肩腫項強不能回顧。喉痺哽咽。

食飲不下。癭瘤。

缺盆一名天蓋

在肩上橫骨陷者中。○為五藏六府

之道。○刺三分。留七呼。灸三壯。刺太深令人逆

息。○孕婦禁鍼。

主治喘急息賁。欬嗽。胃滿水腫。瘰癧寒熱。缺盆中腫外潰。傷寒胃中熱不已。喉痺汗出。

一曰主寫胃中之熱。治與大杼中府風府同。

氣戶。在巨骨下。夾俞府兩旁各二寸。去中行四寸陷中。仰而取之。○刺三分。灸三壯五壯。

主治欬逆上氣。胃背痛。支滿喘急不得息。不知味。

席弘賦云此穴攻噎若不愈兼灸氣海。

百證賦云兼華蓋穴除脇肋痛有驗。

庫房。在氣戶下一寸六分。去中行四寸陷中。仰而取之。○刺三分。灸三壯五壯。

主治胃脇滿。欬逆上氣。呼吸不利。唾膿血濁沫。屋翳。在庫房下一寸六分。去中行四寸陷中。仰

而取之。○刺三分。灸五壯。主治欬逆上氣。唾膿血濁痰。身腫。皮膚痛不可

中近衣。淫灑。瘕瘕不仁。百證賦云兼至陰穴。治遍身風癢之疼多。

膺窻 在屋翳下一寸六分。巨骨下四寸八分。去

中行四寸陷中。仰而取之。○刺四分。灸五壯。

主治胃滿短氣不得臥。腸鳴注泄。乳癰寒熱。

乳中 當乳之中。○微刺禁灸。甲乙經曰。禁不可

刺。氣府論注曰。刺灸之生蝕瘡。瘡中有清汁膿

血者可治。瘡中有瘕肉若蝕瘡者死。

一傳胎衣不下。以乳頭向下盡處。俱灸之。即下。

乳根 在乳冲下一寸六分。去中行四寸陷中。仰

而取之。○刺三分。灸三壯五壯。

主治胃下滿痛。臂痛乳痛。凄凄寒熱。霍亂轉筋

四厥

神農經云。治胃下滿痛。上氣喘急。可灸七壯。

玉龍賦云。兼俞府。治氣嗽痰哮。

捷徑云。治憂噎。

華陀明堂云。主膈氣不下。食噎病。

千金云。治反胃吐食。上氣。灸兩乳下各一寸。以

瘡為度。

居家必用云。灸效逆。凡火病得效逆。最為惡候。

其法於乳下一指許。正與乳相直間陷中。女人卽屈乳頭度之。乳頭齊處是穴。艾炷如小豆許。灸三壯。男左女右。火到肌卽瘥。不瘥則不可治。

不容 在第四肋端。幽門旁一寸五分。去中行二寸。對巨闕。甲乙經曰。去任脉二寸。至兩肘端相去四寸。○按甲乙經曰。腹自不容以下至氣衝二十四穴。夾幽門兩旁各一寸五分。諸書皆同。及考幽門則止。去中行五分。是不容以下諸穴當去中行二寸。而諸云三寸者非。今悉改爲二寸。○刺五分。灸五壯。

主治腹滿。痞癖。胃背肩脇引痛。心痛。唾血。喘嗽。嘔吐痰癖。腹虛鳴。不嗜食。疝瘕。

承滿 在不容下一寸。去中行二寸。對上腕。○刺三分。灸五壯。甲乙經云刺八分。

主治腹脹。腸鳴。脇下堅痛。上氣喘急。食飲不下。肩息。隔氣。唾血。

千金云夾巨闕相去五寸名承滿。主腸中雷鳴。

相逐痢下。灸五十壯。

梁門 在承滿下一寸。去中行二寸。對中脘。○刺

三分。灸五壯。甲乙經作刺八分。○孕婦禁灸。

主治胃脇積氣。飲食不思。氣塊疼痛。大腸滑泄

完穀不化。可灸七壯。至二十一壯。

關門 在梁門下一寸。去中行二寸。對建里。○刺

八分。灸五壯。一云五分三壯。

主治積氣脹滿。腸鳴切痛。泄痢不食。走氣俠臍

急痛。痰瘧振寒。遺溺。

太乙 在關門下一寸。去中行二寸。對下脘。○刺

八分。灸五壯。一云五分三壯。

主治心煩癩狂吐舌。

滑肉門 在太乙下一寸。天樞上一寸。去中行二

寸。對水分。○刺八分。灸五壯。一云五分三壯。

主治癩狂嘔逆吐血。重舌舌強。

天樞 一名長谿 一名穀門 夾臍旁二寸。去育俞一寸五分

陷中。○大腸募也。○刺五分。留七呼。灸五壯。拔

萃云百壯。○千金云魂魄之舍不可鍼。孕婦不

可灸。

主治奔豚泄瀉。赤白痢。水痢不止。食不化。水腫。腹脹。腸鳴。上氣衝胃。不能久立。火積冷。氣遶。臍切痛。時上衝心。煩滿。嘔吐。霍亂。寒瘧。不嗜食。身黃瘦。女人癥瘕。血結成塊。漏下。月水不調。淋濁。帶下。

千金云。久冷及婦人癥瘕。小便不通。腸鳴瀉痢。繞臍絞痛。灸百壯。三報之。○又云。吐血腹痛。雷鳴灸百壯。○又云。狂言恍惚。灸百壯。○又云。霍亂先下痢。灸二七壯。不瘥。更二七壯。男左女右。

標幽賦云。治虛損。

百證賦云。兼水泉。治月潮。違限。

一傳治夾膝疼痛。腹中氣塊。火瀉不止。虛損勞弱。可灸二十一壯。

外陵 在天樞下一寸。去中行二寸。對陰交。○刺三分。灸五壯。甲乙經作刺八分。主治腹痛。心下如懸。下引臍痛。

大巨 一名腋門

在天樞下二寸。去中行二寸。對石門。

○刺五分。灸五壯。甲乙經刺八分。

主治小腹脹滿煩渴。小便難。癩疝。四支不收。驚悸不眠。

水道 在大巨下三寸。去中行二寸。○刺一寸五分。灸五壯。一日刺八分半。

主治肩背強急痠痛。三焦膀胱腎氣熱結。大小便不利。疝氣偏墜。婦人小腹脹痛引陰中。月經至則腰腹脹痛。胞中瘕。子門寒。

千金云主三焦膀胱腎中熱氣。灸隨年壯。

百證賦云兼筋縮。專治脊強。

歸來 一名谿穴 在水道下二寸。去中行二寸。○刺八分。灸五壯。一日刺二分半。

主治奔豚九疝。陰丸上縮。入腹引痛。婦人血藏積冷。

積冷。

氣衝 一名氣街 在歸來下。鼠谿上一寸。動脈應手宛

宛中。去中行二寸。骨空論王氏註曰。在毛際兩旁。鼠鼷上一寸。脈動處也。○刺禁論王氏註曰。

氣街之中。膽胃脉也。膽之脉循脇裏。出氣街繞  
毛際。胃之脉夾臍入氣街中。○衝脉所起。○刺  
三分。留七呼。灸七壯。甲乙經曰。灸之不幸使人  
不得息。一云。禁不可鍼。艾炷如大麥。

主治逆氣上攻。心腹脹滿。不得正臥。奔豚癩疝。  
淫瀼。大腸中熱。身熱腹痛。陰腫莖痛。婦人月  
水不利。小腹痛無子。妊娠子上衝心。產難胞  
衣不下。○一云。此穴主寫胃中之熱。與三里  
巨虛上下廉同。

千金云。治石水。灸然谷。氣衝。四滿。章門。  
百證賦云。兼衝門。治帶下產崩。

東垣曰。主血多諸證。以三稜鍼刺此穴。出血立  
愈。

髀關 在膝上。伏兔後交文中。一云在膝上一尺  
二寸。○刺六分。灸三壯。一云刺三分。禁灸。  
主治腰痛膝寒。足麻木不仁。黃疸。痿痺。股內筋  
絡急。小腹引喉痛。

伏兔 在膝上六寸。起肉間。正跪坐而取之。一云



在膝蓋上七寸。左右各三指按捺。上有肉起如兔狀。因以此名。○刺五分。禁灸。○千金云狂邪鬼語灸百壯。亦可五十壯。

主治脚氣膝冷不得温。風痺。婦人八部諸疾。

陰市

一名陰鼎

在膝上三寸。伏兔下陷中。拜而取之。

一云在膝內輔骨後。大筋下。小筋上。屈膝得之。

○刺三分。留七呼。禁灸。○刺腰痛論註曰。伏兔下陷者中。灸三壯。即此。

主治腰膝寒如注水。痿痺不仁。不得屈伸。寒疝

小腹滿。少氣。

千金云水腫大腹。灸隨年壯。

玉龍賦云兼風市。能驅腿足之乏力。

通玄賦云膝胛痛陰市能醫。

靈光賦云專治兩足拘攣。

席弘賦云心疼手顫少海間。若要除根覓陰市。

梁丘 在膝上二寸兩筋間。○足陽明郄。○刺三

分。灸三壯。

主治脚膝痛。冷痺不仁。不可屈伸。足寒。大驚。乳

腫痛。

神農經云。治膝痛屈伸不得。可灸三壯七壯。

犢鼻。在膝髓下。胫骨上。骨解大筋陷中。形如牛

鼻。故名。一曰在膝頭下。近外窟解中。○刺六分。

灸三壯。一曰刺三分。○刺禁論曰。刺膝髓出液

為跛。故刺此者不可輕也。

主治膝痛不仁。難跪起脚氣。若膝髓癰腫潰者

不可治。不潰者可療。若犢鼻堅韌。勿便攻之

先用洗熨而後微刺之愈。

靈光賦云善治風邪濕。

三里

即下陵出  
本輸篇

在膝眼下三寸。胫骨外廉。大筋

內宛宛中。坐而豎膝低跗取之。極重按之則跗

上動脈止矣。○足陽明所入為合。○刺五分。留

七呼。灸三壯。千金云。灸二百壯至五百壯。○一

云小兒忌灸三里。三十外方可灸。不爾反生疾。

○秋月不宜出血。恐土虛也。

主治胃中寒。心腹脹痛。逆氣上攻。藏氣虛憊。胃

氣不足。惡聞食臭。腹痛腸鳴。食不化。大便不

通。腰痛膝弱不得俯仰。小腸氣。○此穴主寫胃中之熱。與氣衝巨虛上下廉同。

秦承祖曰。諸病皆治。食氣水氣。蠱毒。疰瘕。四支腫滿。膝脘痠痛。目不明。

華陀云。療五勞七傷。羸瘦虛乏。瘀血乳癰。

外臺明堂云。人年三十已外。若不灸三里。令氣上衝目。使眼無光。蓋以三里能下氣也。

一傳心疼者。灸此穴。及承山立愈。以其中有瘀血。故寫此則愈。

千金云。三里內庭。治肚腹病妙。○又身重腫。坐不欲起。風勞脚疼。灸五十壯。刺五分補之。○

又邪病大呼罵走。三里主之名鬼邪。

神農經云。治心腹脹滿。胃氣不足。飲食不化。疰瘕。癖氣。塊吐血。腹內諸疾。五勞七傷。灸七壯。

太乙歌云。兼束骨。刺治項強腫痛。體重腰癱。

玉龍賦云。兼絕骨。主陰交。能治連延脚氣。○又治心悸虛煩。○又兼水分陰交。蠱脹宜刺。○

又合太衝中封。治行步艱楚。

百證賦云兼陰交治中邪霍亂。

靈光賦云治氣上壅。○又兼陽陵陰陵申脉照海治脚氣及在腰之疾。

席弘賦云治手足上下疾亦治食癖氣塊。○又

云虛喘宜尋三里中。○又胃中有積刺璇璣

此穴功亦多。○又氣海專治五淋又須鍼三

里。○又治耳內蟬鳴腰欲折須兼五會補寫

之始妙。○又云若鍼肩井須三里不刺之時

氣未調。○又治腰連胯痛。○又治脚腫脚痛

須兼懸鍾陽陵陰陵三陰交太衝行氣并治

指頭麻木。○又腕骨腿疼寫此穴。○又兼風

府鍼度淺深更尋三里治膀胱氣未散。

通玄賦云能却五勞之羸瘦。○又云治冷痺。

捷法云治食不充肌。

天星秘訣云耳鳴腰痛先五會後耳門三里。○

又云胃停宿食後尋三里起璇璣。○又云兼

二間治牙疼頭痛并喉痺。○又云兼期門治

傷寒過經不出汗。

四總穴云肚腹三里留。

馬丹陽天星十二穴云能除心脇痛腹脹胃中

寒腸鳴并泄瀉眼腫膝脛痠傷寒羸瘦損氣

天蠱及諸般年過三旬後鍼灸眼光全○增治

法云治五勞七傷腰痛不舉喉痺脇間暴痛

不得息欬嗽多痰足痿足熱腹中瘀血水腫

陰氣不足熱病汗不出喜嘔口乾身反折口

噤鼓頷胃氣不足聞食即吐泄痢水穀不化

消渴遺尿失氣陽厥惡寒頭眩小便不利悉

宜鍼灸。

上巨虛

一名巨虛上廉

在三里下三寸兩筋骨陷中舉

足取之○海論曰衝脉者其輪下出於巨虛之

上下廉○巨虛上廉足陽明與大腸合

上廉屬大腸下

廉屬小腸出本輪篇及邪氣藏府病形篇○刺三分灸三壯甲乙經

作刺八分千金云灸以年為壯數

主治藏氣不足偏風胸氣腰腿手足不仁足脛

痠骨髓冷疼不能久立俠臍腹痛腸中切痛

飧泄食不化喘息不能行腹脇支滿狂走

此穴主寫胃中之熱。與氣衝三里下巨虛治同。

條口 在三里下五寸。下廉上一寸。舉足取之。○刺五分。灸三壯。甲乙經云刺八分。

主治足膝麻木。寒痠腫痛。跌腫轉筋濕痺。足下熱。足緩不收。不能久立。

天星秘訣云。兼衝陽絕骨。治足緩難行。

下巨虛

一名巨虛下廉

在上廉下三寸。兩筋骨陷中。蹲

地舉足取之。○巨虛下廉。足陽明與小腸合。又為衝脉下輸。○刺三分。灸三壯。一曰刺八分。

主治胃中熱。毛焦肉脫。汗不得出。少氣不嗜食。

暴驚狂言。喉痺。面無顏色。胃脇痛。飧泄。膿血。

小腸氣。偏風腿痿。足不履地。熱風風濕冷痺。

脘腫足跗不收。女子乳癰。○此穴主寫胃中

之熱。與氣衝三里上巨虛同。

豐隆

在外踝上八寸。下廉胛骨外廉陷中。○足

陽明絡。別走太陰。○刺三分。灸三壯。

主治頭痛面腫。喉痺不能言。風逆癲狂。見鬼好

上笑厥逆胃痛如刺。大小便難。怠惰。腿膝痠痛。屈伸不便。腹痛肢腫。足清寒濕。

太乙歌云。兼上腕刺心疼嘔吐。傷寒吐虻。

玉龍賦云。兼肺俞治痰嗽。○又云。合湧泉關元。

可治屍勞。

席弘賦云。專治婦人心痛。

百證賦云。兼強間治頭痛難禁。

解谿 在衝陽後一寸五分。足腕上繫鞋帶處陷

中。一曰在足大指次指直上跗上陷者宛宛中。

汗不出腹堅大不嗜食。發寒熱。足痿跗腫。或

胃瘡先寒後熱。喜見日月光。得火乃快然者。

主於方熱時刺之。出血立寒。

天星秘訣云。兼條口絕骨。治足緩難行。

陷谷 在足大指次指外間。本節後陷中。去內庭

內二寸。○足陽明所注為膈。○刺五分。留七呼。灸

三壯。一曰刺三分。

主治面目浮腫。及水病善噫。腸鳴腹痛汗不出。

振寒痲瘡。疝氣少腹痛。或胃脉弦者。寫此則

木平而胃氣自盛。

千金云治水病。灸隨年壯。

百證賦云兼下腕。能平腹內腸鳴。

內庭。在足大指次指外間陷中。○足陽明所溜。

為榮。○刺三分。留十呼。灸三壯。甲乙經云刺二

分。留二十呼。

主治四支厥逆。腹滿不得息。惡聞人聲。振寒咽

痛。口喎。齒齲鼻衄。癰疹。赤白痢。瘡不嗜食。

一傳主療久瘧不愈并腹脹。

玉龍賦云兼臨泣。能理小腹之臍。

通玄賦云治腹膨休遲。

千金十一穴云。三里內庭。治肚腹病妙。

捷經云治石蠱。○又云大便不通宜寫此。

天星秘訣云兼合谷。治寒瘧面腫及腸鳴。

馬丹陽天星十二穴云。能治四支厥。喜靜惡聞

聲。癰疹咽喉痛。數欠及牙疼。瘧疾不思食。耳

鳴。鍼便清。

厲兌。在足大指次指端。去爪甲如韭葉。○按本



輸篇曰。厲兌者。足大指內。次指之端也。經脉經筋等篇俱云中指。繆刺篇曰。邪客於足陽明之絡。刺足中指次指爪甲上各一痛。據此諸篇之說。可見中指次指之間。皆陽明脉氣所發也。○足陽明所出爲井。○刺一分。留一呼。灸一壯。○主治尸厥口噤氣絕。狀如中惡。心腹滿水腫熱。干病汗不出。寒熱瘧。不食。面腫喉痺齒齲。惡風。鼻不利。多驚發狂好臥。足寒膝臏腫痛。百證賦云。與隱白相諧。治夢魘不寧。

足太陰脾經穴

脾經穴歌

足太陰脾由足拇。隱白先從內側起。大都太白繼公孫。商丘直上三陰鳩。漏谷地機陰陵泉。血海箕門衝門前。府舍腹結大橫上。腹哀食竇天谿連。胃鄉周容大包盡。二十一穴太陰全。

隱白在足大指內側端。去爪甲角如韭葉。○足太陰所出爲井。○刺一分。留三呼。灸三壯。主治腹脹喘滿不得臥。嘔吐食不下。胃中痛。煩

熱暴泄。衄血。尸厥不識人。足寒不得溫。婦人  
月事過時不止。刺之立愈。小兒客忤驚風。  
百證賦云兼厲兌治夢魘不寧。  
大都 在大指本節後內側骨縫。白肉際陷中。○  
足太陰所溜爲榮。○刺三分。留七呼。灸三壯。  
主治熱病汗不出。不得臥。身重骨痛。傷寒手足  
逆冷。腹滿嘔吐悶亂。腰痛不可俛仰。四支腫  
痛。凡婦人孕不論月數。及生產後未滿百日。  
俱不宜灸。

千金云治大便難。灸隨年壯。○又霍亂下瀉不  
止。灸七壯。

席弘賦云兼橫骨。治氣滯腰痛不能立。  
百證賦云兼經渠。治熱病汗不出。

太白 在足大指後內側核骨下。赤白肉際陷中。  
○足太陰所注爲腧。卽原也。○刺三分。留七呼。  
灸三壯。

主治身熱煩滿。腹脹食不化。嘔吐瀉痢膿血。腰  
痛。大便難。氣逆霍亂。腹中切痛。腸鳴。膝股脘

痠轉筋身重骨痛。

玉龍賦云治痔漏。

通玄賦云能宣導於氣衝。

公孫又在足大指內側。本節後一寸內踝前陷中。

正坐合足掌相對取之。○太陰絡別走陽明。○

刺四分。留七呼。灸三壯。甲乙經曰留二十呼。

主治寒瘧不食。痢氣好大息。多寒熱汗出喜嘔。

卒面腫。心煩多飲。膽虛腹虛。水腫腹脹如鼓。

脾冷胃痛。

神農經云治腹脹心疼。可灸七壯。

席弘賦云治肚疼。須兼內關相應。

標幽賦云。脾冷胃疼。寫公孫而立愈。

攔江賦云。兼照海。治傷寒四日太陰經。再行內

關施截法。

截法云治九種心疼。一切冷氣痰涎隔悶。胃中

隱痛。臍腹脹滿。氣不消化。脇肋下痛。起坐艱

難。泄瀉不止。裏急後重。胃中刺痛。兩脇脹滿

氣攻疼痛。中滿不快。翻胃吐食。氣隔五噎。飲

食不下。胃脘停痰。口吐清水。中脘停食。疼刺  
不已。嘔吐痰涎。眩暈不止。心瘧令人心內怔  
忡。肝瘧令人氣色蒼蒼惡寒發熱。脾瘧令人  
怕寒。腹中痛。肺瘧令人心寒驚怕。腎瘧令人  
洒淅寒熱。腰脊強痛。瘧疾大熱不退。或先寒  
後熱。及先熱後寒。瘧疾心忪。瘧疾頭痛。瘧疾  
眩暈。吐痰不已。瘧疾骨節痠痛。瘧疾口渴不  
已。胃瘧令人善饑而不能食。膽瘧令人惡寒  
驚怕。睡臥不安。黃汗疸。四支俱腫。汗出染衣。  
黃疸遍身皮膚黃。及面目小便俱黃。穀疸食  
畢則頭眩。心中拂鬱。酒疸身目俱黃。心中俱  
痛。面發赤斑。小便赤黃。女勞疸身目俱黃。發  
熱惡寒小便不利。○已上凡三十證。先以公  
孫爲主治。然後隨證取各穴應之。

商丘 在內踝下微前陷中。前有中封。後有照海。  
此穴居申。內踝下有橫文如偃口形。○足太陰  
所行爲經。○刺三分。留七呼。灸三壯。  
主治胃脘痛。腹脹腸鳴。不便。脾虛令人不樂身。

寒善太息。心悲氣逆。喘嘔舌強。脾積痞氣。黃疸寒瘧。體重支節痛。怠惰嗜臥。骨疽痔疾。陰股內痛。狐疝走引小腹疼痛。不可俛仰。神農經云。治脾虛腹脹胃腕痛。可灸七壯。玉龍賦云。兼解谿丘墟。堪追脚痛。

百證賦云。專治痔漏最良。

三陰交 在內踝上除踝三寸。骨下陷中。○足三陰之交會。○刺三分。留七呼。灸三壯。妊娠不可刺。

主治脾胃虛弱。心腹脹滿。不思飲食。脾病身重。四支不舉。飧泄痢血。痿痺臍下痛。不可忍。中風卒厥。不省人事。膝內廉痛。足痿不行。凡女人產難。月水不禁。赤白帶下。先寫後補。小腸疝氣。偏墜木腎腫痛。小便不利。瘰癧身浮腫。先補後寫。

千金云。內踝上三寸。絕骨宛宛中。灸五十壯。主欬逆虛勞。寒損憂志。筋骨痠痛。又主心中欬逆。洩注腹滿。喉痺項頸滿。腸痔逆氣。痔血陰

急鼻衄。骨瘡。大小便澁。鼻中乾燥。煩滿狂易。走氣。凡二十二種病。皆當灸之也。○又云男。女夢與人交。洩精。三陰交灸五壯。喜夢洩神。良。○又治霍亂手足逆冷。灸七壯。不瘥更七壯。○又治勞淋灸百壯。三報之。○又痔疾刺入三分。亦主大便不利。○又治氣癩水癩。卵偏大。上入腹。灸隨年壯。

玉龍賦云兼三里絕骨。治連延脚氣。

百證賦云兼鍼氣海。專司白濁。久遺精。

席弘賦云冷嗽宜補合谷。却瀆寫此穴。○又云

脚痛膝腫。鍼三里。又瀆兼懸鍾。二陵。三陰交。

太衝引氣。并治指頭麻木。

天星秘訣云兼合谷。治脾病血氣。○又云兼承

山。治胃膈痞滿。飲食自喜。

乾坤生意云兼大敦。治小腸疝氣。

昔有宋太子善醫術。出逢一妊婦。太子診之曰。

是一女也。徐文伯亦診曰。此一男一女也。太

子性急。欲剖視之。文伯曰。臣能鍼而落之。爲

寫三陰交。補手陽明合谷。應鍼而落。果如文伯之言。故妊娠不可刺此穴。且能落死胎。

漏谷

一名太陰絡

在內踝上六寸。骨下陷中。○刺三

分。留七呼。灸三壯。

主治膝痺脚冷不仁。腸鳴腹脹。疝瘕冷氣。小腹

地機

一名脾舍

在膝下五寸。內側骨下陷中。伸足取

之。一曰在別走上一寸。孔在膝下五寸。○足太

陰郄○刺三分。灸五壯。

主治腰痛不可俛仰。澹泄腹脹。水腫不嗜食。精

氣不足。小便不利。足痺痛。女子癥瘕。百證賦云兼血海。治婦人經事之改常。

陰陵泉 在膝下內輔骨下陷中。伸足取之。或曲

膝取之。與少陽經陽陵泉內外相對。一曰稍高

一寸。○足太陰所入為合。○刺五分。留七呼。灸

三壯。

主治腹中寒痛。脹滿喘逆不得臥。小便不利。氣

泄瀉。陰痛足膝紅腫。

神農經云。治小便不通。疝瘕。可灸七壯。

千金云。小便失禁不覺。刺五分。灸隨年壯。○又

水腫不得臥。灸百壯。

玉龍賦云。兼陽陵。治膝腫之難消。

太乙歌云。腸中切痛。陰陵調。

靈光賦云。治脚氣。

席弘賦云。治心胃滿。兼承山。飲食自思。○又云

脚痛膝腫。鍼三聖。又須兼懸鍾。二陵。三陰交。

太衝行氣。并治指頭麻木。

百證賦云。兼水分。能去水腫。臍盈。

通玄賦云。能開通水道。

天星秘訣云。若是小腸連臍痛。先刺陰陵。後湧

泉。

血海 一名百蟲窠

在膝臏上一寸內廉白肉際陷中。

一云在膝內輔骨上。橫入五分。○刺五分。灸五

壯。

主治女子崩中漏下。月事不調。帶下逆氣。腹脹。



先補後寫。又主腎藏風兩腿瘡癢濕不可當。百證賦云兼地機治婦人經事之改常。○又云

兼衝門治痲痺有驗。

靈光賦云兼氣海療五淋。

箕門 在魚腹上越兩筋間陰股內廉。動脈應手。

一云股上起筋間。○甲乙經曰太陰內市。○刺

三分留六呼。灸三壯。一云禁刺。

主治小便不通遺尿。鼠鼯腫痛。

衝門

一名慈宮

上去大橫五寸。在府舍下。橫骨兩端

約文中動脈。去腹中行三寸半。○足太陰厥陰

之會。○刺七分。灸五壯。

主治中寒積聚。淫瀼陰疝。妊娠衝心。難乳。

百證賦云兼氣衝治帶下產崩。○又云兼血海

治痲痺。

府舍 在腹結下三寸。去腹中行三寸半。○足厥

陰太陰陰維之會。○甲乙經曰此脈上下入腹。

絡胃結心肺。從脇上至肩。此太陰郄。三陰陽明

支別。○刺七分。灸五壯。

主治疝癖。腹脇滿痛。上下搶心。積聚痺痛。厥氣

霍亂。

腹結一名腹屈

在大橫下一寸三分。去腹中行三寸

半。○刺七分。灸五壯。

主治欬逆。遶臍腹痛。中寒瀉痢。心痛。

大橫在腹哀下三寸五分。平臍。去中行三寸半。

○足太陰陰維之會。○刺七分。灸五壯。

主治大風逆氣。四支不舉。多寒善悲。

千金云主多寒洞痢。四支不舉。灸隨年壯。○又

云多汗。四支不舉。少力。灸橫文五十壯。在俠

臍相去七寸。亦屬此穴。

百證賦云兼天衝穴。治反張悲哭。

腹哀在日月下一寸五分。去腹中行三寸半。○

足太陰陰維之會。○刺三分。灸五壯。甲乙經云

刺七分。

主治寒中。食不化。大便膿血。腹痛。

食竇在天谿下一寸六分陷中。舉臂取之。○刺

四分。灸五壯。

主治胃脇支滿。欬唾逆氣。飲不下。膈有水聲。

天谿 在胃鄉下一寸六分陷中。仰而取之。○刺

四分。灸五壯。

主治胃滿喘逆。上氣。喉中作聲。婦人乳腫。賁癰。

胃鄉 在周榮下一寸六分陷中。仰而取之。○刺

四分。灸五壯。

主治胃脇支滿。引背痛。不得臥轉側。

周榮 在中府下一寸六分陷中。仰而取之。○刺

四分。灸五壯。

主治胃滿不得俛仰。欬逆食不下。

大包 在淵腋下三寸。○脾之大絡。布胃脇中。出

九肋間。及季脇端。總統陰陽諸絡。由脾灌溉。五

藏。○刺三分。灸三壯。

主治胃中喘痛。腹有大氣。不得息。實則其身盡

寒。虛則百節皆縱。

手少陰心經穴

心經穴歌

手少陰心起極泉。青靈少海靈道全。通里陰郄神門下。少府少衝小指邊。

極泉 在臂內腋。下筋間動脈入胷中。○刺三分。

灸七壯。

主治心脇滿痛。肘臂厥寒。四支不收。乾嘔煩渴。

青目黃。

青靈 在肘上三寸。伸肘舉臂取之。○滑氏曰。自

極泉下循臑內後廉。行太陰心主兩經之後。歷青靈穴。○甲乙經無此穴。○灸三壯。

主治頭痛目黃。振寒脇痛。肩臂不舉。

少海

一名曲節

在肘內廉節後陷中。又云肘內大骨

下。去肘端五分。肘內橫文頭。屈肘向頭取之。○

手少陰所入為合。○刺五分。灸三壯。一日禁灸。

主治寒熱齒痛。目眩。發狂癲癩。羊鳴。嘔吐涎沫。

項不得回。頭風疼痛。氣逆。瘰癧。肘臂腋脇痛。

瘰癧不舉。

千金云主腋下瘰癧。漏臂疼痛。風痺瘙漏。屈伸

不得。鍼三分。留七呼。寫五呼。

席弘賦云。心疼手顫。少海間。若要除根。覓陰市。

百證賦云。兼三里穴。治兩臂頑木。

靈道 在掌後一寸五分。一日一寸。○手少陰所

行為經。○刺三分。灸三壯。

主治心痛。悲恐乾嘔。瘕瘕肘瘰。暴瘖不能言。

通里 在腕側後一寸陷中。○手少陰絡。別走手

太陽經。○刺三分。灸三壯。

主治熱病頭痛目眩。面熱。無汗。懊懣。暴瘖。心悸。悲恐畏人。喉痺苦嘔。虛損數欠。少氣遺溺。肘臂腫痛。婦人經血過多。崩漏。神農經云。治目眩頭疼。可灸七壯。

靈玉龍賦云。療心驚。

百證賦云。兼大鍾。治倦言嗜臥。

馬丹陽云。治欲言聲不出。懊懣及怔忡。實則四支重。頭顙面頰紅。聲平仍欠數。喉閉氣難通。虛則不能食。暴瘖面無容。毫鍼微微刺。方信有神功。

陰郄

一曰手少陰郄

在掌後脉中。去腕五分。當小指之

後。○刺三分。灸三壯。

主治鼻衄吐血。失音不能言。霍亂胃中滿。灑淅惡寒。厥逆驚恐心痛。

標幽賦云。止盜汗。治小兒之骨蒸。

百證賦云。兼二間。能疎通寒慄惡寒。○又云。兼後谿。治盜汗之多出。

神門

一名兌衝。一名中都。

在掌後銳骨端陷中。當小指後。

○手少陰所注為臑。○刺三分。留七呼。灸三壯。  
一云七壯。炷如小麥。

主治瘧疾心煩。欲得冷飲。惡寒則欲就溫。咽乾  
不嗜食。驚憤心痛。少氣身熱面赤。發狂喜笑。  
上氣嘔血吐血。遺溺失音健忘。心積伏梁。大  
人小兒五癰證。手臂攣掣。

玉龍賦云治癩癰失意。

百證賦云同上腕。治發狂奔走。

少府 在小指本節後骨縫陷中。直勞宮。○手少

陰所溜為榮。○刺二分。灸三壯。一日七壯

主治瘵瘧久不愈。振寒煩滿。少氣胃中痛。悲恐  
畏人。臂痠肘腋攣急。陰挺出。陰癢陰痛。遺尿  
偏墜。小便不利。

少衝

一名經始

在手小指內側端。去爪甲角如韭葉。

○手少陰所出為井。○刺一分。留一呼。灸一壯。  
一日三壯。

主治熱病煩滿。上氣心火炎上。眼赤血少。嘔吐  
血沫及心痛冷痰。少氣悲恐。善驚。口熱咽酸。

胃脇痛。乍寒乍熱。臍臂內後廉痛。手攣不伸。玉龍賦云可治心虛熱壅。百證賦云兼曲池治發熱。

乾坤生意云。此為十井穴。凡初中風跌倒。卒暴昏沉。痰涎壅滿。不省人事。牙關緊閉。藥水不下。急以三稜鍼刺少商。商陽。中衝。關衝。少澤。及此穴。使氣血流通。乃起死回生急救之妙穴。

太陽小腸經穴

小腸經穴歌

手太陽經小腸穴。少澤先於小指設。前谷後谿腕骨間。陽谷須同養老列。支正小海上。肩貞臍俞天宗秉風合。曲垣肩外復肩中。天窻循次上天容。此經穴數一十九。還有顴膠入聽官。

少澤一名小吉

在手小指外側端。去爪甲角一分陷中。

甲乙經曰。在小指之端。去爪甲一分陷中。○手太陽所出為井。○刺一分。留二呼。灸一壯。



主治痲瘧寒熱汗不出。喉痺舌強。心煩欬嗽。瘰癧臂痛。頸項痛不可顧。目生翳。及癩婦人無乳。先寫後補。

千金云耳聾不得眠。刺小指外側端。入一分半補之。

玉龍賦云治婦人乳腫。

百證賦云兼肝俞可治攀睛。

靈光賦云除心下寒。

乾坤生意云此爲十井穴。凡初中風卒暴昏沉。痰涎壅盛。不省人事。急以三稜鍼刺少商。商陽。中衝。少衝。及此穴。使氣血流通。乃起死回生。急救之妙穴。

前谷 在手小指外側本節前陷中。○手太陽所溜爲榮。○刺一分。留三呼。灸三壯。

主治熱病汗不出。痲瘧癩疾。耳鳴喉痺。頸項頰腫。引耳後。欬嗽。目翳。鼻塞。吐血。臂痛不得舉。婦人產後無乳。

後谿 在手小指本節後。外側橫文尖上陷中。仰

手握拳取之。一云在手腕前外側。拳尖起骨下陷中。○手太陽所注爲臑。○刺一分。留二呼。灸一壯。一云三壯。

主治痰瘧寒熱。目翳鼻衄耳聾。胃滿項強癩癧。臂肘攣急。五指盡痛。

神農經云。治項強不得回顧。脾寒肘疼灸七壯。玉龍賦云。專治時疫痰瘧。

攔江賦云。專治督脉病癩狂。

百證賦云。兼環跳治腿痛。○又云。偕勞官。可治消疸。○又云。同陰却治盜汗之多出。

通玄賦云。治頭頂痛立安。

千金十一穴云。兼列缺。治胃項有痛。

一傳治蚤食午吐。午食晚吐。灸此左右二穴。九壯立愈。

捷法云。療手足攣急。屈伸艱難。手足俱顫。不能行步。握物。頸項強痛。不能回顧。顙頰紅腫。咽喉閉塞。水飲不下。心肺二經熱病。雙蛾喉痛。肺與三焦熱病。單蛾咽腫。上下牙兩頰疼痛。

牙關緊急不開。頸項紅腫。耳聾氣痞疼痛。耳內或鳴或癢或痛。雷頭風眩暈嘔吐痰涎。腎虛頭痛。頭重不舉。肝厥頭暈。及頭目昏沉。偏正頭風疼痛。兩額顛眉角疼痛。太陽痛。頭項拘急。痛引肩背。醉後頭風。嘔吐不止。惡聞人言。眼赤痛。衝風淚下不已。破傷風因他事觸發。渾身發熱癲狂。○已上凡三十餘證。先以後谿主治。後隨證加各穴分治之。

腕骨 在手外側。腕前起骨下陷中。○手太陽所

百證賦云。兼天柱。治目視眩暈。

張仲文傳灸治仙法。療腰重痛不可轉側。起坐艱難。及筋攣脚痺不可屈伸。

支正 在腕後外廉五寸。○手太陽絡。別走少陰。刺三分。留七呼。灸三壯。

主治五勞癲狂。驚風寒熱。頰腫項強。頭痛目眩。風虛驚恐。悲憂。腰背痠。四支乏弱。肘臂不能屈伸。手指痛不能握。

百證賦云。兼飛陽。可治目眩。

小海 在肘內大骨外。去肘端五分陷中。屈手向  
頭取之。○手太陽所入爲合。○刺二分。留七呼。  
灸五壯七壯。

主治肘臂肩臑頸項痛。寒熱。齒根腫。風眩。瘍腫。  
○小腹痛。五癰瘕瘕。

肩貞 在肩曲胛下。兩骨解間。肩髃後陷中。○刺  
五分。灸三壯。

主治傷寒寒熱。頰腫耳鳴耳聾。缺盆肩中熱痛。  
風痺手足不舉。

臑俞 在肩髃後。大骨下胛上廉陷中。舉臂取之。  
○手足太陽陽維陽蹻之會。○刺八分。灸三壯。

主治臂痿無力。肩痛引胛。寒熱氣腫痠痛。  
天宗 在秉風後。大骨下陷中。○刺五分。留六呼。  
灸三壯。

主治肩臂痠疼。肘外後廉痛。頰頰腫。

秉風 在肩上天髃外小髃骨。舉臂有空。○手太  
陽陽明手足少陽之會。○刺五分。灸三壯。  
主治肩痛不可舉。

曲垣 在肩中央。曲胛陷中。按之應手痛。○刺五分。灸三壯。甲乙經曰十壯。

主治肩臂熱痛。拘急周痺。

肩外俞 在肩胛上廉。去脊三寸陷中。與大杼平。

○刺六分。灸三壯。

主治肩胛痛。發寒熱。引項攣急。周痺寒至肘。

肩中俞 在肩胛內廉。去脊大椎旁二寸陷中。○

刺三分。留七呼。灸十壯。甲乙經作三壯。

主治欬嗽上氣。唾血寒熱。目視不明。

天窻

一名窻籠

在頸大筋前。曲頰下。扶突後動脈應手陷中。○刺三分。灸三壯。甲乙經作刺六分。

主治頸癭腫痛。肩胛引項不得回顧。頰腫齒噤。

耳聾喉痛暴瘖。

千金云狂邪鬼語。灸九壯。○癰疹灸七壯。

天容 在耳下曲頰後。○刺一分。灸三壯。

主治癭氣頸癰。不可回顧。不能言。齒噤耳鳴耳

聾。喉痺咽中如梗。寒熱胃滿。嘔逆吐沫。

顴膠

一名兌骨

在面頰骨下廉。銳骨端陷中。○手少

陽太陽之會。○刺二分。禁灸。

主治口喎面赤目黃。眼瞶不止。頰腫齒痛。

百證賦云兼大迎。治目眩妙。

聽宮 一名多所聞

在耳中珠子。大如赤小豆。○手足

少陽手太陽之會。○刺三分。灸三壯。

主治失音癩疾。心腹滿。耳內蟬鳴耳聾。

百證賦云兼脾俞。能祛心下之悲悽。

類經圖翼六卷終

類經圖翼七卷

張介賓類正

經絡 五

足太陽膀胱經穴

膀胱經穴歌

足太陽經六十三。睛明攢竹曲差參。五處承光  
接通天。絡却玉枕天柱邊。大杼風門引肺俞。厥  
陰心膈肝膽居。脾胃三焦腎俞次。大腸小腸膀胱  
如。中膂白環皆二行。去脊中間二寸許。上膠

次膠中復下。會陽瀕向尻旁取。還有附分在三  
 行。二椎三寸半相當。魄戶膏肓與神堂。諛諛膈  
 關魂門旁。陽綱意舍及胃倉。育門志室連胞育。  
 秩邊承扶。殷門穴。浮郄相隣是委陽。委中再下  
 合陽去。承筋承山相次長。飛陽附陽達崑崙。僕  
 參申脉過金門。京骨束骨近通谷。小指外側尋  
 至陰。

睛明

一名淚孔

在目內眥外一分宛宛中。○氣府論

註曰。手足太陽足陽明陰陽躄五脉之會。○刺  
 一分半。留六呼。灸三壯。甲乙經曰。刺六分。一日  
 禁灸。

主治目痛視不明。見風淚出。努肉攀睛。白翳皆  
 癢。疳眼。頭痛目眩。凡治雀目者。可久留鍼。然  
 後速出之。

席弘賦云。治眼若未效。并合谷光明不可缺。

百證賦云。兼行間。可治雀目汗氣。

靈光賦云。治努肉。

攢竹

一名始光。一名員柱。一名夜光。一名光明。

在肩頭陷者中。○刺

一分。留六呼。不宜灸。甲乙經云灸三壯。明堂用  
細三稜鍼刺之。宣泄熱氣。眼目大明。宜刺三分  
出血。

主治目視眩暈。淚出目眩。瞳子癢。眼中赤痛。及  
腮臉瞶動不臥。

玉龍賦云兼頭維。治目疼頭痛。

百證賦云兼三間。可治目中漠漠。

通玄賦云腦昏目赤。寫此。

曲差

一名  
鼻衝

在神庭旁一寸五分。入髮際。正頭取

之。○刺二分。灸三壯。五壯。

主治目不明。頭痛鼻塞。歔衄鼻涕。頂巔痛。身心  
煩熱汗不出。

五處 在曲差後五分。夾上星旁一寸五分。○刺  
三分。留七呼。灸三壯。甲乙經曰不可灸。

主治脊強反折。瘈瘲顛疾。頭痛戴眼眩暈。目視  
不明。

承光 在五處後一寸五分。水熱穴論註曰五處  
後一寸。甲乙經五處後二寸。○刺三分。禁灸。



主治頭風風眩嘔吐心煩鼻塞不利目翳口喎。

通天一名天曰在承光後一寸五分。一日橫直百會

旁一寸五分。○刺三分。留七呼。灸三壯。

主治頭旋項痛不能轉側鼻塞偏風口喎衄血

頭重耳鳴狂走瘈瘲恍惚青盲內障。

千金云瘻氣面腫灸五十壯。

百證賦云能去鼻內無聞之苦。

絡却一名強陽一名腦蓋在通天後一寸五分。甲乙經一

寸三分。○刺三分。留五呼。灸三壯。一日禁刺。

主治頭旋口喎鼻塞項腫瘻瘤內障耳鳴。

玉枕在絡却後一寸五分。甲乙經曰在絡却後

七分。夾腦戶旁一寸三分。起肉枕骨上。入後髮

際三寸。按甲乙經之數與督脉之數不相合。○刺三分。留三呼。灸

三壯。一日禁刺。

主治目痛如脫不能遠視腦風頭項痛鼻塞無

聞

千金云多汗寒熱灸五十壯。刺三分。

百證賦連顙會療頭風。

天柱 俠項後大筋外廉髮際陷中。○刺二分。留六呼。灸三壯。一日刺五分。禁灸。

主治頭旋腦痛鼻塞淚出項強肩背痛足不任身。目瞑不欲視。

百證賦云連養老治目中䟽疏。○又云連束骨治項強多惡風。

大杼 在項後第一椎下兩旁相去脊中各二寸陷中。正坐取之。○海論曰衝脉者其輪上在於

大杼。○氣穴論註曰督脉別絡手足太陽三脉之會。○刺三分留七呼。灸五壯七壯。一日禁灸。非有大急不可灸也。

主治傷寒汗不出腰脊項背強痛不得臥喉痺煩滿痰瘧頭痛欬嗽身熱目眩癩疾筋攣瘰癧膝痛不可屈伸。○凡刺瘧疾脉滿大者刺此并譏諱穴出血隨人肥瘦刺之不已刺委中風門立已。

席弘賦云大杼若連長強尋小腸氣痛即行鍼風門一名熱府在二椎下兩旁各去脊中二寸正坐

取之。○督脉足太陽之會。○熱府腧也。○刺五分留七呼。灸五壯。

主治傷寒頭痛項強。目瞑。軌噫。胸中熱。嘔逆。上氣喘。臥不安。身熱黃疸。癰疽發背。此穴能寫

一身熱氣。常灸之。永無癰疽瘡疥等患。

神農經云。傷風欬嗽。頭痛鼻流清涕。可灸十四

壯。及治頭疼風眩。鼻衄不止。

千金云上氣短。氣欬逆。胃背微痛。灸百壯。

肺俞。在三椎下。去脊中各二寸。又以手搭背。左

取者。右取左。當中指末處是穴。正坐取之。千金

曰。肺俞對乳。引繩度之。○刺三分。留七呼。灸三

壯。一云灸百壯。○素問曰。刺中肺。三日死。

主治五勞傳尸。骨蒸。肺風。肺痿。欬嗽。嘔吐。上氣

喘滿。虛煩。口乾。目眩。支滿。汗不出。腰脊強痛。

背。僂如龜。寒熱。癰氣。黃疸。○此穴主寫五藏

之熱。與五藏俞治同。

神農經曰。治欬嗽吐血。唾紅。骨蒸虛勞。可灸十

四壯。

千金云治吐血唾血。上氣欬逆喉痺。灸隨年壯。

○又氣短不語灸百壯。○又治水注口中漏

水出。灸肺俞及三陰交。隨年壯。○又癭腫上

氣短氣。灸百壯。○又盜汗寒熱惡寒。灸隨年

壯。刺五分。

玉龍賦云兼豐隆治痰嗽。

百證賦云兼天突治欬嗽連聲。

乾坤生意云。同陶道身柱膏肓。治虛損五勞七

傷緊要法。

厥陰俞 在四椎下。去脊中二寸。正坐取之。此穴出山

眺經甲乙經無。○刺三分。灸七壯。

主治欬逆牙痛。心痛結胃。嘔吐煩悶。

千金云主胃中膈氣積聚好吐。灸隨年壯。

心俞 在五椎下。去脊中二寸。正坐取之。○刺三

分。留七呼。○按甲乙經曰禁灸。故世醫皆謂可

鍼不可灸。殊不知刺中心一日死。乃素問之所

戒。又豈可易鍼耶。千金方言風中心。急灸心俞

百壯。服續命湯。又吐逆不得食者灸百壯。是又

當權其緩急也。

主治偏風半身不隨。食噎積結寒熱。心氣悶亂。

煩滿恍惚。心驚汗不出。中風偃臥不得。胃絕。

發癩悲泣。嘔吐欬血。發狂健忘。○此穴主寫。

心命五藏之熱。與五藏俞同。

神農經云。小兒氣不足者。數歲不能語。可灸五

壯。艾炷如麥粒。

玉龍賦云。兼腎俞。治腰腎虛乏之夢遺。

百證賦云。兼神道。治風癩常發自寧。

捷徑云。治憂噎。

一傳主療心虛遺精盜汗補之。

膈俞。在七椎下。去脊中二寸。正坐取之。○為血

之會。○刺三分。留七呼。灸三壯。一云灸至百壯。

主治心痛周痺。膈胃寒痰暴痛。心滿氣急。吐食

反胃。痰癖五積。氣塊血塊。欬逆。四支腫痛。息

情嗜臥。骨蒸喉痺。熱病汗不出。食不下。腹脇

脹滿。○此血會也。諸血病者皆宜灸之。如吐

血衄血不已。虛損昏暈。血熱妄行。心肺二經

嘔血。藏毒便血不止。

千金云臃脹脇腹滿。灸百壯三報之。○又治吐逆不得食。今日食明日吐。灸百壯。

肝俞。在九椎下。去脊中二寸。正坐取之。○刺三分。留六呼。灸三壯。○素問曰。刺中肝五日死。

主治氣短欬血多怒。脇肋滿悶。欬引兩脇。脊背急痛。不得息。轉側難。反折上視。驚狂。顛。眩。

一。暈痛。循肩頭。黃疸。鼻痠。熱病後。目中出淚。眼。

目諸疾。熱痛生翳。或熱病瘥後。因食五辛。患。

目。嘔血。或疝氣筋。痙相引。轉筋入腹。○此穴。

主寫五藏之熱。與五藏俞治同。

千金云。吐血酸削。灸百壯。○又胃滿。心腹積聚。

疼痛。灸百壯。○又氣短不語。灸百壯。

玉龍賦云。目昏血溢。肝俞辨其虛實。

標幽賦云。兼命門。能使瞽者見秋毫。

百證賦云。兼少澤。可治攀睛。

一傳治氣痛項癭吐酸。

膽俞。在十椎下。去脊中二寸。正坐取之。○刺五。

分留七呼。灸三壯。○素問曰。刺中膽。一日半死。主治頭痛振寒汗不出。腋下腫。心腹脹滿。口乾苦。咽痛嘔吐。翻胃食不下。骨蒸勞熱。目黃。胷脇痛不能轉側。

百證賦云兼陽綱。可治目黃。

捷徑云兼膈俞。治勞噎。

脾俞 在十一椎下。去脊中各二寸。正坐取之。○刺三分。留七呼。灸三壯。○素問云。刺中脾十日死。

主治痞癥積聚。肋下滿。痰瘡寒熱黃疸。腹脹痛。吐食不食。飲食不化。或食飲倍多。煩熱嗜臥。身日羸瘦。泄痢善欠。體重四支不收。○此穴主寫五藏之熱。與五藏俞同。

千金云。食不消化。洩痢不作。肌膚脹滿水腫。灸隨年壯。三報之。○又虛勞尿血白濁。灸百壯。百證賦云兼聽官。能祛心下之悲悽。○又兼膀胱俞。治脾虛穀食不消。捷徑云治思噎食噎。

一傳治水腫鼓脹。氣滿泄瀉年久不止。及久年積塊脹痛。

胃俞在十二椎下。去脊中二寸。正坐取之。○刺三分。留七呼。灸三壯。一日灸隨年壯。

主治胃寒吐逆。翻胃霍亂。腹脹支滿。肌膚疲瘦。腸鳴腹痛。不嗜食。脊痛筋攣。小兒羸瘦。食少。不生肌肉。及小兒痢下赤白。秋末脫肛。肚疼不可忍。艾炷如大麥。

百證賦云兼魂門。治胃冷食不化。一傳治水腫鼓脹。氣膈不食。泄瀉年久不止。多年積塊。

三焦俞在十三椎下。去脊中二寸。正坐取之。○刺五分。灸三壯。一日三分五壯。

主治傷寒身熱頭痛。逆。肩背急。腰脊強。不得。習命。俛仰。藏府積聚。脹滿膈塞不通。飲食不化。羸瘦。水穀不分。腹痛下痢。腸鳴目眩。

千金云少腹堅大如盤。孟胃腹脹滿。飲食不消。婦人癥聚瘦瘠。灸三焦俞百壯。三報之。仍灸。



氣海百壯。○又云主五藏六府積聚。心腹滿  
腰脊痛。吐逆寒熱。小便不利。灸隨年壯。○又  
治尿血灸百壯。

腎俞。在十四椎下。與臍平。去脊中二寸。正坐取  
之。素問血氣形志篇有五藏俞度。見經絡類十一。○刺三分。留七呼。灸

三壯。一日灸以年為壯。○素問曰。刺中腎六日  
三死。

主治虛勞羸瘦。面日黃黑。耳聾。腎虛水藏久冷。  
腰痛。夢遺精滑。脚膝拘急。身熱頭重。振寒。心  
腹臌脹。兩脇滿痛。引少腹。少氣。溺血。便濁。淫  
瀼。赤白帶下。月經不調。陰中痛。五勞七傷。虛  
憊無力。足寒如冰。洞洩。食不化。身腫如水。男  
女久積氣痛。變成勞疾。○此穴主寫五藏之  
熱。與五藏俞同。

千金云。腎間風虛灸百壯。○又小便濁。夢遺失  
精。灸百壯。○又云。腎俞主五藏虛勞。少腹弦  
急。脹熱。灸五十壯。老少減之。若虛冷。可百壯。  
橫三間寸灸之。○又消渴口乾。同腰目灸之。

○又尿血灸百壯。○又百病水腫灸百壯。

玉龍賦云兼命門治老人便多。○又兼心俞治

腰腎虛乏之夢遺。

百證賦云兼巨膠穴能除胃膈停留瘀血。

通玄賦云能寫盡腰股之痛。

一傳治色慾過度虛腫耳痛耳鳴。

大腸俞在十六椎下去脊中二寸伏而取之。○

刺三分留六呼灸三壯。

主治脊強不得俛仰腰痛腹脹繞臍切痛腸澼

瀉痢食不化大小便不利。

千金云脹滿雷鳴灸百壯三報之。

靈光賦云治大便病。

小腸俞在十八椎下去脊中二寸伏而取之。○

刺三分留六呼灸三壯。

主治膀胱三焦津液少便赤不利淋瀝遺尿小

腹脹滿疔痛瀉痢膿血脚腫心煩短氣五痔

疼痛婦人帶下。

千金云洩注五痢便膿血腹痛灸百壯。○又主

十三焦膀胱寒熱。津液赤白洞泄。腰脊痛。小便不利。婦人帶濁。灸五十壯。○又消渴口乾不可忍者。灸百壯。橫三間寸灸之。

靈光賦云。治小便病。

膀胱俞。在十九椎下。去脊中二寸。伏而取之。○

刺三分。留六呼。灸三壯。一云七壯。

主治小便赤澁。遺尿洩痢。腰脊腹痛。陰瘡。脚膝寒冷無力。女子癥瘕。

百證賦云。兼脾俞。治脾虛穀食不消。

中膂內俞

一名脊內俞

在二十椎下。去脊中二寸。夾

脊。腫起肉間。伏而取之。○刺三分。留六呼。灸三

壯。

主治腎虛消渴。腰脊強痛。不得俛仰。腸冷赤白痢。疝痛。汗不出。脇腹脹痛。

百證賦云。兼陶道。治歲熱時行。

捷徑云。主腰痛夾脊脊。上下按之。從後項至此穴痛者。灸之立愈。

白環俞。在二十一椎下。去脊中二寸。伏而取之。

○刺五分。灸三壯。甲乙經云刺八分。得氣則寫。寫訖多補之。不可灸。

主治腰脊痛不得坐臥。疝痛。手足不仁。二便不利。溫瘧筋攣痺縮。虛熱閉塞。○一云主治夢遺白濁。腎虛腰痛。先寫後補。赤帶寫之。白帶補之。月經不調亦補之。

百證賦云兼委中。治背連腰痛大驗。

上膠 在腰髀骨下一寸。夾脊兩旁第一空陷中。

○繆刺論註曰。腰下夾尻有空骨各四。蓋卽此。

四膠穴也。刺腰痛論註曰。上膠當髀骨下陷中。

餘三膠少斜下按之。陷中是也。

腰髀骨卽十六椎下。腰脊兩旁

起骨之夾脊者。○足太陽少陽之絡。○刺三分。留七呼。

灸七壯。

主治大小便不利。嘔逆。腰膝冷痛。寒熱瘧。鼻衄。婦人絕嗣。陰中癢痛。陰挺出。赤白帶下。

次膠 夾脊旁第二空陷中。○刺三分。留七呼。灸

七壯。一日三壯。

主治大小便淋赤不利。心下堅脹。腰痛足清。疝

氣下墜。引陰痛不可忍。腸鳴泄瀉。赤白帶下。  
中膠。夾脊旁三空陷中。○刺二分。留十呼。灸三  
壯。

主治。五勞七傷。二便不利。腹脹飧泄。婦人少子  
帶下。月經不調。

下膠。夾脊旁四空陷中。○刺腰痛篇。及繆刺論。  
王註皆曰。足厥陰支別者。與太陰少陽結於腰  
髀下。俠脊第三第四骨空中。其穴即中膠下膠  
也。○刺二分。留十呼。灸三壯。一日刺二寸。

主治。腸鳴泄瀉。二便不利。下血腰痛。引小腹急  
痛。女子淋濁不禁。

百證賦云。濕熱濕寒下膠定。

會陽

一名利機

在陰尾尻骨兩旁。○甲乙經曰。督脉

氣所發。○刺二分。灸五壯。一日刺八分。

主治。腹中寒氣泄瀉。腸辟便血。久痔。陽氣虛乏  
陰汗濕。

附分。在二椎下。附項內廉。兩旁相去脊中各三  
寸半。正坐取之。○手足太陽之會。○刺三分。灸

五壯。甲乙經作刺八分。

主治肘臂不仁。肩背拘急。風客腠理。頸痛不得

回顧。

魄戶。在三椎下。去脊中各三寸半。正坐取之。

刺五分。灸五壯。一日刺三分。灸百壯。

主治虛勞肺痿。肩膊胷背連痛。三尸走注。項強

喘逆。煩滿嘔吐。○此穴主寫五藏之熱。與五

藏俞同。

神農經云。治虛勞發熱。可灸十四壯。

百證賦云兼膏肓。治勞瘵傳尸。

標幽賦云治體熱勞嗽。

膏肓俞。在四椎下五椎上。去脊中各三寸半。正

坐曲脊取之。○千金翼云。先令病人正坐。曲脊。

伸兩手。以臂著膝前。令正直。手大指與膝頭齊。

以物支肘。勿令臂動。乃從胛骨上角摸索至胛

骨下頭。其間當有四肋三間。依胛骨之際。相去

骨際如容側指許。按其中一間空處。自覺牽引

肩中。是其穴也。左右各灸至百壯。或三五百多

至千壯。當氣下龍龍然如流水之降。若停痰宿疾。亦必下也。若病人已困不能正坐。當令側臥。挽上臂令前。索孔穴灸之。○又法但以右手搭左肩上。中指稍所不及處。是其穴也。左手亦然。乃以前法灸之。其有不能久坐伸臂者。亦可伏衣襟上。伸兩臂。令人挽兩胛骨。使相離遠。不爾胛骨覆穴。不得其真也。所伏衣襟。當令大小得宜。不爾則前却亦失其穴也。此穴灸後。令人陽氣日盛。當消息自爲補養。令得平復。則諸病無所不治。○又法。如其人骨節分明。則以椎數爲準。若脊背肥厚。骨節難尋。須以大椎至尾骶。量分三尺折取之。不然則以平臍十四椎命門爲則。逐椎分寸取之。則穴無不真。然取大椎之法。除項骨三節不在內。或人亦有項骨短而無可尋者。但當以平肩之處爲第一椎。以次求之。可無差也。○捷徑云。灸膏肓功效。諸書例能言之。而取穴則未也。千金等方之外。莊綽論之最詳。然繁而無統。不能歸定於一。余嘗以意取之。令

病人兩手交在兩膊上。灸時亦然。胛骨遂開。其  
穴立見。以手指摸索第四椎下。兩旁各三寸。四  
肋三間之中。按之痠疼是穴。灸至千壯。少亦七  
七壯。當依千金立點立灸。坐點坐灸。臥點臥灸。  
爲的。劉瑾云。取膏肓二穴。當除第一椎小骨不  
笑。若連第一椎數下。當在五椎下兩旁各三寸  
半。共折七寸。分兩旁。按其痠疼處。乃是真穴。每  
依此灸療。多獲全愈。○灸七七壯。至百壯千壯。  
一云灸後當灸足三里。以引火實下。○此穴自  
晉以前所未有。乃後人之所增也。

主治百病。無所不療。虛羸瘦損。五勞七傷諸病。  
夢遺失精。上氣欬逆。痰火發狂。健忘。胎前產  
後。可灸二七至七七壯。

百證賦云。兼魄戶。治勞瘵傳尸。

靈光賦云。治背脊痛風勞一切諸病。

乾坤生意云。兼陶道身柱肺俞。治虛損五勞七  
傷緊要之穴。

神堂 在五椎下。去脊中各三寸半。陷中。正坐取



輸之。○刺三分。灸五壯。○此穴主寫五藏之熱。與諸藏俞同。

主治腰脊強痛。不可俛仰。洒淅寒熱。胃腹滿逆。時噎。

諛譖。在肩膊內廉。六椎下。去脊中各三寸半。正坐取之。○甲乙經曰。以手痛按之。病者呼諛譖。是穴蓋因其痛也。○刺六分。留七呼。灸五壯。一日二七壯。至百壯。

主治大風熱病。汗不出。勞損不得臥。溫瘧久不愈。胃腹脹悶。氣噎。肩背脇肋痛急。目痛。欬逆。鼻衄。忌葷菜白酒。

千金云。多汗瘡病。灸五十壯。

膈關。在七椎下。去脊中各三寸半。陷中。正坐開肩取之。○刺五分。灸五壯。

主治背痛。惡寒。脊強。嘔吐。飲食不下。胃中噎悶。大小便不利。○此亦血會。治諸血病。

魂門。在九椎下。相去脊中各三寸半。陷中。正坐取之。○刺五分。灸三壯。

主治尸厥走注。胃背連心痛。食不下。腹中雷鳴。  
大便不節。小便黃赤。○此穴主寫五藏之熱。  
與五藏俞同。

百證賦云。兼胃俞。治胃冷食難化。

標幽賦云。筋攣骨痛。治此。

陽綱 在十椎下。去脊中三寸半陷中。正坐取之。

○刺五分。灸三壯七壯。

主治腸鳴腹痛。食不下。小便濇。身熱。消渴。目黃。  
腹脹泄痢。

百證賦云。兼膽俞。治目黃。

意舍 在十一椎下。去脊中三寸半陷中。正坐取  
之。○刺五分。灸七壯。一云五十壯至百壯。

主治背痛。腹脹。大便泄。小便黃。嘔吐。惡風寒。飲  
食不下。消渴。目黃。○此穴主寫五藏之熱。與

五藏俞同。

百證賦云。兼中府。能除脹滿。噎塞。胃背脇痛。惡  
寒嘔吐。

胃倉 在十二椎下。去脊中各三寸半。正坐取之。

○刺五分。灸五壯。一云五十壯。

主治腹滿水腫食不下。惡寒。背脊痛。不可俛仰。

育門 在十三椎下。去脊中各三寸半。又肋間陷

中。前與鳩尾相直。正坐取之。○刺五分。灸三壯。

氣府論註云三十壯。

主治心下痛。大便堅。婦人乳痛有餘。

志室 在十四椎下。去脊中各三寸半。陷中。正坐

取之。○刺五分。灸三壯七壯。

主治陰腫。陰痛。失精。小便淋瀝。背脊強。腰脇痛。

腹中堅滿。霍亂吐逆不食。大便難。○此穴主

寫五藏之熱。與五藏俞同。

胞育 在十九椎下。去脊中各三寸半。陷中。伏而

取之。○刺五分。灸五壯七壯。

主治腰脊痛。惡寒。小腹堅。腸鳴。大小便不利。

秩邊 在二十一椎下。去脊中各三寸半。陷中。伏

而取之。○刺五分。灸三壯。

主治腰痛。五痔。小便赤澁。

承扶 一名肉郄。一名陰關。一名皮部。在尻臀下。股陰上約文中。

○刺七分。留七呼。灸三壯。甲乙經作刺二寸。  
主治腰脊相引如解。久痔臀腫。大便難。胞寒。小便不利。

殷門 在承扶下六寸。膈上兩筋之間。○刺七分。留七呼。灸三壯。

主治腰脊不可俛仰。惡血流注。外股腫。

浮郤 在委陽上一寸。屈膝得之。○刺五分。灸三壯。

主治霍亂轉筋。小腹膀胱熱。大腸結。股外筋急。髀樞不仁。

委陽 在承扶下六寸。屈伸取之。○邪氣藏府病。形篇曰。三焦合入於委陽。甲乙經曰。委陽。三焦下輔腧也。在足太陽之前。少陽之後。出於膈中。外廉兩筋間。此足太陽別絡也。○刺七分。留五呼。灸三壯。  
主治腰脊腋下腫痛不可俛仰。引陰中不得小便。胃滿身熱。瘕瘕顛疾。小腹滿。飛尸遁注。痿厥不仁。

本輸篇曰。三焦下輸。出於委陽。並太陽之正。入絡膀胱。約下焦。實則閉癢。虛則遺溺。遺溺則主補之。閉癢則寫之。

委中

一名血郤

在膕中央。約文動脈陷中。伏臥屈足。

取之。○足太陽所入為合。○刺五分。留七呼。灸三壯。一云禁灸。○春月勿令出血。蓋太陽合腎。腎王於冬。水衰於春。故春無令出血。

主治大風眉髮脫落。太陽瘡從背起。先寒後熱。

焯焯然汗出難已。頭重轉筋。腰脊背痛。半身不遂。遺溺。小腹堅。風痺。髀樞痛。膝痛。足軟無力。凡腎與膀胱實而腰痛者。刺出血。妙。虛者不宜刺。慎之。○此穴主寫四支之熱。委中者血郤也。凡熱病汗不出。小便難。衄血不止。脊強反折。瘕癥癰疾。足熱厥逆。不得屈伸。取其經血立愈。

太乙歌云。虛汗盜汗補委中。

玉龍賦云。合人中。除腰脊痛閃之難制。○又云

兼居膠環跳。除腿風濕痛。

百證賦云兼白環俞。治背連腰痛已試。

千金十一穴云。委中崑崙。治腰背痛相連。

四總穴云。腰背委中求。

馬丹陽天星十二穴云。治腰痛不能舉。沉引脊

梁痠。風癩及轉筋。疼痛難移展。風痺復無常。

熱病不能當。膝頭難伸屈。鍼入即安康。

合陽 在膝膕約文下二寸。○刺六分。灸五壯。

主治腰脊強引腹痛。陰股熱。疝痠腫。寒疝偏墜。

女子崩帶不止。

百證賦云兼交信。治女子少氣下血。

承筋

一名膈腸。一名直腸。

在膈腸中央陷中。脚跟上七寸。

○灸三壯。禁刺。

主治寒痺腰背拘急。腋腫。大便閉。五痔膈痠。脚

跟痛引少腹。轉筋霍亂歛衄。

千金云霍亂轉筋。灸五十壯。

承山

一名肉柱。一名魚腹。

在兌膈腸下分肉間陷中。一云

腿肚下尖分肉間。○刺七分。灸五壯。至七七壯。

然灸不及鍼。

主治頭熱鼻衄。寒熱癩疾。疝氣腹痛。痔腫便血。腰背痛。膝腫脛痠。跟痛。霍亂轉筋。戰慄不能行立。凡有邪熱者可寫之。

千金云灸轉筋隨年壯神驗。霍亂灸百壯。

玉龍賦云兼長強灸痔最妙。

席弘賦云陰陵泉治心胃滿兼此穴而飲食自思。○又云兼魚際崑崙治轉筋目眩立消。靈光賦云治轉筋并久痔。

百證賦云刺長強兼承山善主腸風新下血。

天星秘訣云兼內踝尖治轉筋并眼花。○又云兼陰交治胃膈痞滿自喜飲食。

馬丹陽云善治腰疼痛痔疾大便難脚氣并膝腫兩足盡寒痠展轉成時疫戰慄瘧憎寒霍亂及轉筋刺之立便安。

今時多用此穴治傷寒立效亦有初發瘧疾者灸之立已。

飛陽

一名厥陽

在足外踝上七寸後陷中。○足太陽

絡。別走少陰。○刺三分。灸三壯。

主治痔痛不得起坐。脚痠腫不能立。歷節風不

得屈伸。癩疾寒瘧。頭目眩。逆氣。

千金云瘧實則腰背痛。虛則鼻衄。飛陽主之。

百證賦云兼支正可治目眩。

附陽 在足外踝上三寸。太陽前。少陽後。筋骨之

間。○陽躄之郤。○刺五分。留七呼。灸三壯。一云

七壯

主治霍亂轉筋。腰痛不能立。髀樞股脰痛。痿厥

風痺不仁。頭重顛痛。時有寒熱。四支不舉。屈

伸不能。

崑崙 在足外踝後五分。跟骨上陷中。細動脈應

手。○是太陽所行為經。○刺三分。留七呼。灸三

壯。

主治腰尻脚氣。足脰腫痛不能步立。頭痛顛衄。

肩背拘急。欬喘目眩。陰腫痛。產難胞衣不下。

小兒發癩瘰癧。

玉龍賦云兼申脉太谿。善療足腫之逆。



靈光賦云。能住喘愈脚氣。

神農經云。治腰尻痛。足痛不能履地。肩背拘急。

可灸七壯。○又治小兒陰腫。可灸三壯。炷如

小麥。

席弘賦云。兼魚際承山。治轉筋目眩立消。

千金云。胞衣不出。鍼足太陽入四分。穴在外踝

下後一寸宛宛中者。意必此穴。○又云。瘧多

汗。腰痛不能俛仰。目如脫。項似拔。崑崙主之。

千金十一穴云。兼委中。治腰背痛相連。

捷徑云。治偏風。

馬丹陽天星十二穴云。治轉筋腰尻痛。膊重更

連陰。頭疼脊背急。暴喘滿衝心。舉步行不得。

動足卽呻吟。若欲求安樂。須尋此穴鍼。○增

治法云。治目眩眩如脫。頭熱鼻衄。肚脹痛不

得息。霍亂大便泄。風癩口噤不開。小兒陰腫。

頭眩轉筋吐逆。尸厥中惡。膝蓋暴痛。

僕參

一名安邪

在跟骨下陷中。拱足得之。○足太陽

陽躄之會。○刺三分。留七呼。灸七壯。

主治腰痛足痿不收足跟痛霍亂轉筋吐逆尸厥癲癩狂言見鬼膝痛

靈光賦云後跟痛在僕參求。

申脉在足外踝下五分陷中容爪甲許白肉際。

○陽蹻脉所生。○刺三分留七呼灸三壯

主治風眩癲疾腰脚痛膝胫寒痠不能坐立如在舟車中氣逆腿足不能屈伸婦人氣血痛。一云脚氣紅腫寫之若麻木無力先寫後補。神農經曰治腰痛可灸五壯。

玉龍賦云兼太谿崑崙善療足腫之逆。

標幽賦云兼金門治頭風頭痛。

攔江賦云能除寒與熱偏正頭風及心驚耳鳴鼻衄胃中滿遇麻木者虛當補逢疼痛者寫而迎。

靈光賦云陽蹻陰蹻及陽陵陰陵四穴治脚氣取之又兼三里同治脚氣亦去在腰諸疾。

千金方十三鬼穴云此名鬼路當在第五次下火鍼治百邪癲狂。

捷法云。治腰背強不可俛仰。支節煩痛。牽引腰  
脚。中風不省人事。中風不語。中風半身癱瘓。  
偏枯疼痛無時。中風四支麻木不仁。手足搔  
癢。不能握物。中風口眼歪斜。牽連不已。角弓  
反張。眼目盲視。口噤不開。舌塞澇。腰脊肩  
背疼痛。頭項強痛。不得回顧。腰痛起止艱難。  
手足背生毒。臂背生毒。○已上凡二十餘證。  
先以申脉主治。後隨證加各穴分治之。

金門

一名關梁

在足外踝下一寸。○足太陽部。陽維

別屬也。○刺一分。灸三壯。一云刺三分。灸七壯。  
炷如小麥。

主治霍亂轉筋尸厥。癩癧疝氣。膝胫痠不能立。  
小兒張口搖頭身反。

百證賦云兼直墟。可醫轉筋。

通玄賦云兼申脉。治頭風頭痛。

京骨 在足小指外側。本節後大骨下。赤白肉際  
陷中。可按而得。○足太陽所過爲原。○刺三分。  
留七呼。灸七壯。

主治腰脊痛如折。髀不可曲。項強不能回顧。筋  
攣善驚。痲瘧寒熱。目眩。內背赤爛。頭痛。欬衄。  
京骨癩病狂走。

束骨 在足小指外側本節後陷中。赤白肉際。○

足太陽所注為踰。○刺三分。留三呼。灸三壯。

主治腸澼泄瀉。瘧痔癩癰。發背癰疔。頭痛。目眩。

主內背赤痛。耳聾。腰膝痛。項強不可回顧。

太乙歌云。兼三里。刺治項強腫痛。體重腰癱。

百證賦云。連天柱。治項強多惡風。

秦承祖云。治風熱胎赤。兩目皆爛。

通谷 在足小指外側本節前陷中。○足太陽所

溜為榮。○刺二分。留五呼。灸三壯。

主治頭痛。目眩。項痛。欬衄。善驚。目眩。眩。結積留

飲。食多不化。失欠。

千金云。諸結積留飲。澼囊胃滿。飲食不消。灸通

谷五十壯。

至陰 在足小指外側。去爪甲角如韭葉。○足太

陽所出為井。○刺一分。留五呼。灸三壯。五壯。

主治風寒頭重鼻塞。目痛生翳。胃脇痛。轉筋。寒瘧汗不出。煩心。足下熱。小便不利。失精。脉痺。從足小指起。牽引上下。

百證賦云兼屋翳。治遍身癢痛之疾。

席弘賦云專治脚膝腫。

今時習用此治婦人寒證。

張仲文治婦人橫產。手先出。諸符藥不效。為灸

右脚小指尖三壯。炷如小麥。下火立產。

足少陰腎經穴

腎經穴歌

足少陰俞二十七。湧泉然谷照海出。太谿水泉連大鍾。復溜交信築賓立。陰谷橫骨趨大赫。氣穴四滿中注得。育俞商曲石關蹲。陰都通谷幽門值。步廊神封出靈墟。神藏或中俞府畢。湧泉一名地衝在足心陷中。屈足卷指宛宛中。○足少陰所出為井。○刺三分。留三呼。灸三壯。主治尸厥面黑。喘欬有血。目視眈眈無所見。善

恐。心中結熱。風疹風癩。心痛不嗜食。男子如  
蠱。女子如妊。欬嗽氣短。身熱喉痺。目眩頸痛。  
胃脇滿。小腹痛。腸澼泄瀉。霍亂轉胞不得尿。  
腰痛大便難。轉筋。足脛寒痛。腎積奔豚。熱厥  
五指盡痛。足不踐地。

史記漢北齊王阿母。患足下熱喘滿。淳於意曰  
熱厥也。刺足心立愈。

千金云陰中懊懺痛。刺入三分。○又鼻衄不止  
灸二百壯。○又霍亂轉筋。灸三七壯。不止灸  
足踵聚筋上白肉際。七壯立愈。

玉龍賦云兼關元豐隆。治尸勞。

席弘賦云鳩尾能治五般癩。若下湧泉人不死。  
○又云小腸氣結連臍痛。速寫陰交良久。鍼  
湧泉取氣甚妙。

百證賦云專治厥寒厥熱。○又云兼行間。治消  
渴腎竭。

通玄賦云治胃結身黃。寫此。

靈光賦云治婦人疾。并男蠱女孕。而病瘥者。千

金勿妄傳。

天星秘訣云兼陰陵治小腸連臍痛。

然谷

一名龍淵一名然骨

在足內踝前起大骨下陷者中。

○足少陰所溜爲榮。○刺三分留三呼。灸三壯。一日刺不宜見血。

主治喘呼煩滿。欬血喉痺消渴。舌縱心恐少氣。涎出。小腹脹。痿厥寒疝。足跗腫。筋痿。足一寒一熱不能久立。男子遺精。婦人陰挺出。月經不調不孕。初生小兒臍風撮口痿厥洞泄。此穴主寫腎藏之熱。若治傷寒亦宜出血。

千金云石水灸然谷。氣衝四滿。章門。

百證賦云此穴易醒臍風。

照海 在足內踝下一寸。陷中容爪甲。一云在內踝下四分。微前高骨陷中。前後有筋。上有踝骨。下有軟骨。其穴居中。神農經云。在內踝直下白肉際是穴。○陰躄所生。○刺四分留六呼。灸三壯。一日刺三分。灸七壯。

主治咽乾嘔吐。四支懈惰嗜臥。善悲不樂。大風

偏枯半身不遂。久瘡卒疝。腹中氣痛。小腹淋痛。陰挺出。月水不調。

玉龍賦云兼支溝。能通大便之秘。○又云合內關。能醫腹疾之塊。

神農經云治月事不行。可灸七壯。○又云兼公孫。治傷寒四日太陰經。再用內關施截法。

攔江賦云治噤口喉風。用三稜鍼出血即安。百證賦云兼大敦治傷寒。

席弘賦云兼百會太衝陰交。治咽喉疾。○又云兼陰交曲泉關元氣海同寫。治七疝如神。

靈光賦云二躄二陵脚氣者取此四穴。又兼三里。同治脚氣。并在腰之疾。

標幽賦云兼陽維內關。能下胎衣。○又云治喉中之閉塞。

捷法云治小便頻數淋瀝不通。小腹冷痛。膀胱七疝。奔豚偏墜。木腎腫大如升。發時疼痛衝心。小便淋血。陰痛遺精白濁。夜夢鬼交不禁。婦人難產。子搦母心不下。女子大便不通。產



後腹痛惡露不已。婦人脾病血蠱水蠱氣蠱石蠱單蠱。女人血氣虛倦。五心煩熱。支體盡痛。頭目昏沉。老人虛損。手足轉筋不能舉動。霍亂吐瀉。寒濕脚氣發熱大痛。腎虛脚氣紅腫。乾脚氣膝頭內踝五指疼痛。渾身脹滿。水蠱喘脹。四支面目浮腫。婦人瘦損。赤白帶下。子宮久冷。不受胎孕。經水正行。頭眩小腹空痛。月水不調。臍腹疼痛。及淋漏不斷等證。○已上諸證先以照海為主。後隨證加穴分治。

太谿一名呂細在足內踝後五分。跟骨上動脈陷中。

○足少陰所注為臑。即原也。○刺三分。留七呼。

灸三壯。灸五壯。

主治熱病汗不出。傷寒手足逆冷。嗜臥。欬嗽咽腫。衄血唾血。溺赤消痺。大便難。久瘧。欬逆煩。心不眠。脉沉。手足寒。嘔吐不嗜食。善噫。腹疼。瘠瘦。寒疝。疝瘕。

神農經云。治牙疼可灸七壯。

一云牙疼紅腫者。寫之。陰股內濕癢。生瘡便毒。



先補後寫。○一云腎瘧嘔吐多寒。閉戶而處。其病難已。太谿大鍾主之。腰脊痛大便難。手足寒。并刺委中大鍾。

玉龍賦云合崑崙申脉。善療足腫之逆。

百證賦云兼商陽。治寒瘡有驗。

水泉在足內踝下太谿下一寸。○足少陰郄。○刺四分灸五壯。

主治目眈眈不能遠視。女子月事不來。來即多。大鍾心下悶痛。小腹痛。小便淋。陰挺出。

百證賦云兼天樞。治月潮違限。

大鍾在足跟後衝中。大骨上兩筋間。水熱穴論註曰。在足內踝後衝中。○足少陰絡。別走太陽。○刺二分。留三呼。灸三壯。

主治氣逆煩悶。實則小便淋閉。洒洒腰脊強痛。大便秘澁嗜臥。口中熱虛則嘔逆多寒。欲閉戶而處。少氣不足。胃脹喘息舌乾。食噎不得下。善驚恐不樂。喉中鳴欬唾血。

百證賦云兼通里。治倦言嗜臥。

標幽賦云治心性之呆癡。

復溜

一名伏白。一名昌陽。

在足內踝後上。除踝二寸陷者

中。前傍骨是復溜。後傍筋是交信。二穴止隔一

筋。○足少陰所行為經。○刺三分。留三呼。灸五

壯七壯。

主治腸澼痔疾。腰脊內引痛不得俛仰。善怒多

言。舌乾涎出。足痿脘寒不得履。目視眈眈。腸

鳴。腹痛。四支腫。十種水病。五淋盜汗。齒齲。脉

微細。

神農經云。治盜汗不收。及面色痿黃。可灸七壯。

千金云。血淋灸五十壯。

太乙歌云。刺治腰脊閃挫疼痛。遊風徧體。

玉龍賦云。傷寒無汗宜寫。○又云。起六脉之沉

匿。

攔江賦云。傷寒無汗。先補合谷。次寫此穴。

席弘賦云。此穴專治氣滯在腰。

靈光賦云。治腫如神。

交信 在足內踝上二寸。少陰前。太陰後。筋骨間。

○陰躄之郤。○刺四分。留五呼。灸三壯。

主治五淋癩疝。陰急股膻內廉引痛。瀉痢赤白。

大小便難。女子漏血不止。陰挺月事不調。小

腹痛。盜汗。

百證賦云兼合陽治女子少氣漏血。

築賓 在足內踝後。上膻分中。○陰維之郤。○刺

三分。灸五壯。

主治小兒胎疝。癩疾吐舌發狂罵詈。腹痛嘔吐

涎沫。足膻痛。

陰谷 在膝下內輔骨後。大筋下小筋上。按之應

手。屈膝乃得之。○足少陰所入為合。○刺四分。

留七呼。灸三壯。

主治舌縱涎下。腹脹煩滿。溺難。小腹疝急引陰。

陰股內廉痛。為痿為痺。膝痛不可屈伸。女人

漏下不止。少妊。

太乙歌云兼水分三里。利小便消腫脹。

通玄賦云治臍腹痛。

橫骨

一名下極

在大赫下一寸。育俞下五寸。去中行

五分。陰上橫骨中。○按少腹下尖自橫骨上行。不可槩用腹中分寸。當以太陰之衝門起自橫骨兩端。以至陽明之氣衝。少陰之橫骨。至中行之曲骨穴。通計折量。始得其準。凡上至腹中。皆當以此類推。○衝脉足少陰之會。○刺五分。灸三壯。五壯。甲乙經曰刺一寸。主治五淋小便不通。陰器下縱引痛。小腹滿。目皆赤痛。五藏虛。百證賦云兼育俞。寫五淋久積。

席弘賦云兼大都。治氣滯腰疼不能立。

大赫 一名陰維 一名陰關 在氣穴下一寸。去中行五分。○

衝脉足少陰之會。○刺三分。灸五壯。千金云三十壯。甲乙經作刺一寸。

主治虛勞失精。陰痿上縮。莖中痛。目赤痛。女子赤帶。

氣穴 一名胞門 一名子戶 在四滿下一寸。去中行五分。○

衝脉足少陰之會。○刺三分。灸五壯。甲乙經作刺一寸。

主治奔豚痛引腰脊。瀉痢經不調。

四滿

一名髓府

在中注下一寸。去中行五分。○衝脉

足少陰之會。○刺三分。灸三壯。甲乙經云刺一寸。千金云灸百壯。

主治積聚疝瘕。腸癰切痛。石水奔豚臍下痛。女

人月經不調。惡血疔痛。并無子。可灸三十壯。

中注。在育俞下一寸。去中行五分。○衝脉足少

陰之會。○刺一寸。灸五壯。一云刺五分。

主治小腹熱。大便堅燥。腰脊痛。目背痛。女子月

事不調。

育俞

在商曲下一寸。

當作二寸

直臍旁。去臍中五分。

○衝脉足少陰之會。○刺一寸。灸五壯。一云刺五分。

主治腹痛寒疝。大便燥。目赤痛從內眦始。

百證賦云兼橫骨。寫五淋之久積。

商曲。在石關下一寸。去中行五分。○衝脉足少

陰之會。○刺一寸。灸五壯。一云刺五分。

主治腹中切痛。積聚不嗜食。目赤痛內眦始。

石關 在陰都下一寸。去中行五分。○衝脉足少陰之會。①刺一寸。灸三壯。一云刺五分。

主治噦噫嘔逆。脊強腹痛。氣淋小便不利。大便燥閉。目赤痛。婦人無子。或藏有惡血上衝。腹痛不可忍。

神農經云治積氣疼痛。可灸七壯。孕婦禁灸。

千金云治噦噫嘔逆。灸百壯。

百證賦云兼陰交。無子可搜。

陰都 一名食官 在通谷下一寸。夾中腕相去五分。○

衝脉足少陰之會。○刺三分。灸三壯。甲乙經曰刺一寸。千金云灸隨年壯。

主治心煩滿恍惚。氣逆腸鳴肺脹。氣搶嘔沫。大便難。脇下熱痛。目痛。寒熱瘕瘕。婦人無子。藏有惡血腹絞痛。

通谷 在幽門下一寸陷中。夾上腕相去五分。○

衝脉足少陰之會。○刺五分。灸五壯。

主治口喎暴瘖。積聚疝癰。胃滿食不化。膈結嘔吐。目赤痛。不明清涕。項似拔不可回顧。

幽門一名上門 夾巨闕兩旁各五分。陷者中。○衝脉

足少陰之會。○刺五分。灸五壯。

主治胃中引痛。心下煩悶。逆氣裏急。支滿不嗜

食。數欬乾噦。嘔吐涎沫。健忘。洩痢膿血。少腹

脹滿。女子心痛逆氣。善吐食不下。

神農經云。治心下痞脹。飲食不化。積聚疼痛。可

灸十四壯。孕婦不可灸。

百證賦云。兼玉堂。能開徹煩心。嘔噦。

步廊 在神封下一寸六分。陷中。去中行二寸。夾

中庭。仰而取之。○刺三分。灸五壯。

主治胃脇滿痛。鼻塞少氣。欬逆不得息。嘔吐不

食。臂不得舉。

神封 在靈墟下一寸六分。去中行二寸。仰而取

之。○刺三分。灸五壯。

主治胃脇滿痛。欬逆不得息。嘔吐不食。乳癰。洒

而漸惡寒。

靈墟 在神藏下一寸六分。去中行二寸。陷中。仰

而取之。○刺三分。灸五壯。



主治同神封。

神藏 在彘中下一寸六分陷中。去中行二寸。仰

而取之。○刺三分。灸五壯。

主治同上。

百證賦云兼璇璣。治胃滿項強已試。

彘中 在俞府下一寸六分陷中。去中行二寸。仰

而取之。○刺四分。灸五壯。

主治欬逆不得喘息。胃脇支滿。多唾嘔吐不食。

神農經云治氣喘痰壅。可灸十四壯。

一傳治欬嗽哮喘唾血。

俞府 在巨骨下。夾璇璣旁二寸陷中。仰而取之。

○刺三分。灸五壯。

主治欬逆上氣嘔吐不食中痛。

一云熱嗽寫之。冷嗽補之。

玉龍賦云兼乳根。能治氣嗽痰哮。

手厥陰心包絡經穴

心包絡經穴歌

心包九穴天池近。天泉曲澤郄門認。間使內關踰大陵。勞宮中衝中指盡。

天池一名天會在乳後一寸。腋下三寸。着脇直腋。擗

肋間。氣府論註曰。在乳後同身寸之二寸。○手

厥陰足少陽之會。○刺三分。灸三壯。

主治目眵眊不明。頭痛。胃脇煩滿。欬逆。臂腋腫痛。四支不舉。上氣寒熱。瘧熱病汗不出。

千金云治頸漏瘰癧灸百壯。

百證賦云兼委陽穴。腋腫鍼而速散。

天泉一名天濕在曲腋下。去肩臂二寸。舉臂取之。

刺六分。灸三壯。一日刺二分。

主治惡風寒。曾脇痛。支滿欬逆。膺背胛臂間痛。

曲澤在肘內廉橫文陷中。筋內側動脈。屈肘得

之。○手厥陰所入為合。○刺三分。留七呼。灸三

壯。

主治心痛善驚。身熱煩渴。臂肘搖動掣痛不可

伸。傷寒嘔吐氣逆。

百證賦云兼少商。治血虛口渴。

郄門在掌後去腕五寸。○手厥陰郄。○刺三分。

灸五壯。

主治嘔血衄血。心痛嘔噦驚恐。神氣不足。久痔。

間使在掌後三寸。兩筋間陷中。○手厥陰所行

為經。○刺三分。留七呼。灸五壯。

主治傷寒結胃。心懸如饑。嘔沫少氣。中風氣塞。

昏危不語。卒狂。曾中澹澹。惡風寒。霍亂乾嘔。

腋腫肘攣。卒心痛。多驚。咽中如鯁。婦人月水不調。小兒客忤。久瘡可灸。鬼邪隨年壯。

千金云。乾嘔不止。所食即吐不停。灸三十壯。若四支脉絕不至者。灸之便通。此法能起死人。

○又治卒死。灸百息。○又十三鬼穴云。此名鬼路。鍼百邪癲狂。當在第九次下鍼。

神農經云。治脾寒寒熱往來。渾身瘡疥。灸七壯。太乙歌云。兼風池環跳。治瘡疾。○又兼氣海中。

極三里。刺小腹便澀。

玉龍賦云。治瘰癧。

百證賦云。兼天鼎。治失音休遲。

靈光賦云。兼水溝。治邪癲。

捷徑云。治熱病頻噦。

內關 在掌後。去腕二寸兩筋間。與外關相對。○

手厥陰絡。別走手少陽。○刺五分。灸五壯。

主治中風失志。實則心暴痛。虛則心煩惕惕。面

赤熱目昏。支滿肘攣。久瘡不已。胃滿腸痛。實則

神農經云治心疼腹脹腹內諸疾。可灸七壯。

玉龍賦云合照海。能醫腹疾之塊。

席弘賦云兼公孫治肚痛。

攔江賦云治傷寒太陰經四日者。先用照海公

孫。後用內關施治。

百證賦云兼建里。掃盡胃中之苦悶。

標幽賦云胃滿腹痛刺內關。

捷法云。治胃滿胃脘不快。傷寒中焦痞滿。兩脇

刺痛。嘔吐不已。脾胃氣虛。心腹脹滿。脇肋下

疼。心腹刺痛。痞塊食癥不散。人漸羸瘦。血塊

氣瘕。藏府虛寒。風壅氣滯。大腸虛冷。脫肛不

收。大便艱難。用力脫肛。藏毒腫痛。便血不止。

五痔五癰。口吐涎沫。心性呆癡。心驚發狂。悲

泣不已。不識親疎。健忘錯亂。言語不記。或歌

或笑。神思不安。中風不省人事。心虛膽寒。四

體戰掉。○已上諸證。先以內關主治。後隨證

加各穴治之。

大陵

在掌後骨下橫文中。兩筋間陷中。○手厥

陰所注爲膺。卽原也。○刺三分。留七呼。灸三壯。  
主治熱病汗不出。舌本痛。喘欬嘔血。心懸如饑。  
善笑不休。頭痛氣短。胃脇痛。驚恐悲泣嘔逆。  
喉痺口乾目赤。肘臂攣痛。小便如血。

神農經云。治胃中疼痛。胃前瘡疥。可灸三壯。

千金云。吐血嘔逆。灸五十壯。○又云。凡卒患腰  
腫附骨癰疽。節腫遊風熱毒。此等疾。但初覺  
有異。卽急灸之。從手掌後第一橫文後兩筋  
間。灸五壯立愈。患左灸右。患右灸左。當中者

兩手俱灸。○又十三鬼穴云。此爲鬼心。治百  
邪癲狂。在第四次下鍼。

玉龍賦云。兼勞宮。療心悶瘡癩。○又云。合人中  
頻寫。全去口氣。○又云。合外關支溝。治肚疼  
秘結。

勞宮

一名五里  
一名掌中

在掌中央動脈。屈無名指取之。

○手厥陰所溜爲榮。○刺二分。灸三壯。

主治中風。悲笑不休。熱病汗不出。脇痛不可轉  
側。吐衄噫逆。煩渴食不下。胃脇支滿。口中腥

氣黃疸手痺。大小便血熱痔。

千金云心中懊懣痛。刺入五分補之。

玉龍賦云兼大陵。療心悶瘡瘻。

靈光賦云治勞倦。

百證賦云兼後谿。可治三消黃疸。

通玄賦云能退胃翻心痛。

捷徑云治憂噎。

一傳癩狂灸此效。

中衝 在手中指端。去爪甲如韭葉陷中。○手厥

陰所出爲井。○刺一分。留三呼。灸一壯。

主治熱病汗不出。頭痛如破。身熱如火。心痛煩

滿舌強痛。中風不省人事。

神農經云治小兒夜啼多哭。灸一壯。炷如小麥。

百證賦云兼廉泉。堪攻舌下腫痛。

一云主神氣不足。失志。

乾坤生意云此爲十井穴。凡初中風暴仆昏沉。

痰涎壅盛。不省人事。牙關緊閉。藥水不入。急

以三稜鍼刺少商。商陽。中衝。關衝。少衝。少澤。

使血氣流通乃起死回生急救之妙訣。

手少陽三焦經穴

三焦經穴歌

手少陽三焦所從。二十三穴起關衝。向液門中  
渚陽池。歷外關。支溝會宗。三陽絡入於四瀆。注  
天井。清冷淵中。消灤臑會肩髃同。天膠天牖經。  
翳風。瘰脉。顱息角孫入。耳門和膠絲竹空。  
關衝。在手名指外側端。去爪甲角如韭葉。○手  
少陽所出為井。○刺一分。留三呼。灸三壯。  
主治頭痛。口乾喉痺。霍亂。胃中氣噎。不食。肘臂



痛不能舉。目昏昏。○一云主三焦邪熱。口渴  
唇焦。口氣宜寫此出血。

玉龍賦云。壅熱盛於三焦。關衝最宜。

百證賦云。兼啞門。治舌緩不語。

捷徑云。治熱病煩心。滿悶汗不出。掌中大熱如  
火。舌本痛。口乾消燥。久熱不去。

乾坤生意云。此爲十井穴。凡初中風暴仆昏沉。

痰涎壅盛。不省人事。牙關緊閉。藥水不下。急

以三稜鍼刺少商。商陽中衝。少衝。關衝。少澤。

使血氣流通。乃起死回生急救之妙穴。

液門 在手小指次指間陷者中。○手少陽所溜

爲榮。○刺二分。留二呼。灸三壯。

主治驚悸忘言。寒厥臂痛。不得上下。痰瘧寒熱

頭痛。目眩赤澁泣出。耳暴聾。咽外腫。牙齦痛。

若手臂紅腫痛楚。寫之出血爲妙。

千金云。治耳聾不得眠。刺入三分補之。

玉龍賦云。兼中渚。治手臂紅腫。

百證賦云。兼魚際。能療喉痛。

中渚 在手名指本節後間陷中。把拳取之。○手少陽所注為腧。○刺二分。留三呼。灸三壯。

主治熱病汗不出。臂指痛。不得屈伸。頭痛目眩。生翳不明。耳聾咽腫。久瘡。手臂紅腫。寫之出血。灸五壯。

太乙歌云刺久患腰疼背痛。

玉龍賦云兼液門。治手臂紅腫。

席弘賦云治久患傷寒肩背痛。

通玄賦云脊心後痛鍼此立愈。

靈光賦云五指不便取中渚。

陽池

一名別陽

在手表腕上陷者中。自本節後骨直

對腕中。○手少陽所過為原。○刺二分。留六呼。

灸三壯。銅人經曰不可灸。

主治消渴口乾煩悶。寒熱瘧。或因折傷。手腕捉物不得。臂不能舉。

千金云消渴口乾灸五十壯。

神農經云治手腕疼無力。不能上舉至頭。可灸

七壯。

外關在腕後二寸兩筋間陷中。○手少陽絡別走心主。○刺三分。留七呼。灸三壯。○  
主治耳聾。渾痺無聞。肘臂五指痛不能握。若脇肋痛者。寫之。

神農經云。治肘臂不得屈伸。五指盡疼不能握物。可灸七壯。

玉龍賦云。兼大陵支溝。治肚痛秘結。捷徑云。治臂膊紅腫。支節疼痛。足內踝骨紅腫痛。手足指節痛不能屈伸。五藏六府結熱。吐

血妄行不已。鼻衄不止。吐血昏暈不省人事。虛損氣逆。陽乘於陰。則血熱妄行。陰乘於陽。則血寒亦吐。名心肺二經嘔血。舌強難言。及生白胎。重舌腫脹。熱極口内生瘡。舌吐不收。舌縮不能言。脣吻破裂。血出乾痛。頭生瘰癧。結核。遶頸連胃。耳根頸項腫痛不消。目生翳膜。隱澁難開。風沿爛眩。迎風流淚。目風腫痛。努肉攀睛。暴赤腫痛。○已上諸證。先以外關主治。後隨證分穴治之。

支溝一名飛虎在腕後三寸。兩骨間陷中。○手少陽

所行為經。○刺二分。留七呼。灸七壯。

主治熱病汗不出。肩臂疼重。脇腋痛。四支不舉。

霍亂嘔吐。口噤暴瘖。鬼擊卒心痛。產後血暈。

不省人事。凡三焦相火熾盛。及大便不通。脇

肋疼痛者。俱宜寫之。

千金云。治頸漏馬刀。灸百壯。

玉龍賦云。兼照海。能通大便之秘。○又云。合外

關大陵。治肚疼秘結。

會宗 在腕後三寸空中。一云空中一寸。○手少

陽郄。○刺三分。灸三壯。一曰禁刺。

主治五癩耳聾肌膚痛。

二陽絡一名通間在臂上大交脉。支溝上一寸。○灸

五壯。禁刺。

主治暴瘖不能言。耳聾齒齲。嗜臥身不欲動。

四瀆 在肘前五寸外廉陷中。○刺六分。留七呼。

灸三壯。一曰刺三分。

主治暴氣耳聾。下齒齲痛。

天井 在肘外。大骨尖後。肘上一寸。兩筋間陷中。屈肘得之。甄權云。在曲肘後一寸。又手按膝頭取之。○手少陽所入為合。○刺三分。留七呼。灸三壯。甲乙經云刺一分。

主治欬嗽上氣。胃痛不得語。唾膿不嗜食。寒熱凄凄不得臥。驚悸悲傷。瘕瘕癰疾。五癰風痺。頭頸肩背痛。耳聾目銳。背痛。頰腫。肘臂痛。不得捉物。及寫一切瘰癧瘡腫癰疹。

神農經云治欬嗽上氣。風痺肘疼。可灸七壯。

清冷淵 在肘上二寸。伸肘舉臂取之。○刺三分。灸三壯。

主治諸痺痛。肩臂肘臑不能舉。

席弘賦云。五般肘痛尋尺澤。冷淵鍼後即收功。

消灤 在肩下臂外間。腋斜肘分下行。○刺五分。灸五壯。一日刺一分。灸三壯。

主治風痺頸項強急腫痛。寒熱頭痛肩背急。一傳海南治牙疼灸此穴。

臑會

一名臑膠

在臂前廉。去肩端三寸宛宛中。○手

陽明少陽二絡之會。○刺五分。灸五壯。

主治肘臂氣腫。痠痛無力不能舉。項癭氣瘤。寒

熱瘰癧。

肩髃 在肩端臑上陷中。斜舉臂取之。○刺七分。

灸三壯。

主治臂重肩痛不能舉。

天膠 在肩缺盆中。上髃骨際陷者中。秘 必音一日

直肩井後一寸。○手足少陽陽維三脉之會。○

刺八分。灸三壯。

主治肩臂痠痛。缺盆痛。汗不出。臂中煩滿。頸項

急。寒熱。

天牖 在頸大筋外。缺盆上。天容後。天柱前。完骨

下髮際中。上夾耳後一寸。○刺一分。留七呼。不

宜補。亦不宜灸。灸即令人面腫。資生經云灸一

壯。甲乙經云灸三壯。

主治暴聾不聰。氣目不明。夜夢顛倒。面無顏色。

頭風面腫項強。○一日若治面腫眼合。先取

諶諶。後鍼天牖風池。其病即瘥。若不先鍼諶

詰其病難愈。

翳風 在耳後尖角陷中。按之引耳中。○手足少

陽之會。○刺三分。灸七壯。

主治耳聾。口眼喎斜。口噤不開。脫頰腫頰。牙車

急痛。暴瘖不能言。○一云耳紅腫痛。寫之。耳

虛鳴。補之。補多寫少。

天百證賦云兼聽會。治耳聾氣閉。

瘵脉

一名資脉

在耳本後。雞足青絡脉中。○刺一分。

灸三壯。銅人云。刺出血如豆汁。不宜多出。一云

禁灸。

主治頭風耳鳴。小兒驚癇。瘵癡。嘔吐瀉痢無時。

驚恐目澁。眇膏。

顱息 在耳後間青絡脉中。○刺一分。灸七壯。甲

乙經曰。灸三壯。一曰禁刺。出血多則殺人。

主治耳鳴喘息。小兒嘔吐。瘵癡驚恐發癇。身熱

頭痛不得臥。聾耳腫流膿汁。

百證賦云。瘵病非顱息不愈。

角孫 在耳廓中間上髮際下。開口有空。○手太

陽手足少陽三脉之會。甲乙經手太陽作手陽明寒熱病篇

曰。足太陽有入頰徧齒者。名曰角孫。則是太陽

脉亦會於此。○刺三分。灸三壯。

主治目生翳。齒齲腫不能嚼。唇吻燥。頸項強。

一云堪治耳齒之病。禁灸。

耳門 在耳前起肉。當耳缺處陷中。○刺三分。留

三呼。灸三壯。一云禁灸。

主治耳聾。耳膿。耳生瘡。齒齲唇吻強。

席弘賦云。但患傷寒。兩耳聾。耳門聽會疾如風

百證賦云。兼絲竹空。能住牙疼於頃刻。

天星秘訣云。耳鳴腰痛先五會。後此穴及三里。

和髎 耳前兌髮下橫動脉。○手足少陽手太陽

三脉之會。○刺三分。灸三壯。一曰灸之目盲。

主治頭痛耳鳴。牙車引急。頸項腫。口噤。瘕癥。

絲竹空 一名目髎 在眉後陷中。○甲乙經曰。足少陽

脉氣所發。○刺三分。留三呼。禁灸。灸之不幸。令

人目小及盲。風宜灸

主治頭痛。目赤。目眩。視物眊眊。拳毛倒睫。風癩




生戴眼發狂吐涎沫偏正頭風。

神農經云治頭風宜出血。


百證賦云兼耳門能治牙疼於頃刻。

通玄賦云治偏頭痛難忍。

一傳主眼赤痛鍼一分出血。



類經圖翼七卷終



Handwritten text on the spine of the book, likely in Japanese characters, possibly indicating the title or author.